


傅青主男科





McGILL  
UNIVER-  
SITY  
LIBRARY




















傳青主叻科



光緒三十三年冬月  
湖北官書處重刊



序

世傳先生字不如詩詩不如畫畫不如醫醫不如人先生之高遠固不可以區區之醫見也而先生有所著性史十三經字區周易偶釋周禮音辨條春秋人名韻地名韻兩漢人名韻等書不概見於世雖欲言先生之高莫之由也今讀先生之傳想先生之爲人豈非所謂天子不得臣諸侯不得友者歟先生有女科傳於世平嘗法治家人婦女無一不效嘗語人曰先生女科神乎神矣惜未有男科傳焉或謂子不聞諺乎能治十男子不治一女女科難男科易故有傳有不傳耳以也而心疑之癸亥秋有邦定羅公持先生男科小兒科以相示平見而奇之究其所從來羅曰道光初年余家刻印先



生女科是時平定州孫毓芝先生爲余家西席由平定  
州攜至舍下余抄之藏笥已四十餘年矣今有鄉人生  
產胎衣不下求方於余余搜女科而得此因子好女科  
而特爲相示平受而讀之讀而抄之且欲板之奈心餘  
力欠遲遲者久之是冬十月有寶翰羅公正南王公書  
銘安公敦友羅公亦善此書於是各捐板資於親友以  
共成其事願仁人君子勿視此爲易易先生此書祇言  
病之形不論病之脈明白顯易使人一望而卽知其病  
是寒是熱屬實屬虛眞深入顯出似易而實難也非深  
精脈理不能爲此先生蓋精於岐黃而通以儒義不囿  
於叔和丹溪之言而獨有所見探古人未探之本傳古  
人未傳之妙實大有益於人世能救死於呼吸間也平



本才疎學淺見小識寡不足爲先生序且不敢爲先生序而今竟序之者蓋十一月二十三日已詣平邑古陶書陳求序於松龕徐大人而徐大人赴省公幹梓人索序而待觀者又欲亟成其書無奈序之亦不過序其稿之所出來板之所由成耳世有能文之士棄此而重爲之序是所至禱

同治二年十二月 康衢王道平識

是故天之大德曰生人生可不以活人之心爲先乎如傅青主先生山右名儒不爲良相樂爲良醫先生濟世活人之心於此概見矣先生有男科名曰太原傳科女科名曰女科仙方其女科一書久傳於世寰宇皆知



其男科一書沈埋已久未聞於世 山右王康衢先生  
於癸亥秋得自邦定羅公笥中於是邀同諸君捐資刊  
刻始成是書也於乙丑秋山右郭君由里來川篋攜是  
卷某等讀而慕之惜乎川無是書欲再廣傳重興刊刻  
聊補萬一之一助云爾

樂善堂

承啓堂 郭

捐資重刊

沐書

山致和堂 王

同治五年歲次丙寅二月上浣



男科上卷目錄

傷寒門

初病 傷風 傷寒 外感 傷食 瘧疾 傷

暑 大滿 發汗 寒熱真假辨 亡寒亡熱辨

真熱 真寒 假熱 假寒 真熱假寒 真寒

假熱 上熱下寒 循衣撮空 陰虛雙蛾 結

胸 扶正散邪湯

火症門

瀉火湯總方 火症 火越 燥症 治火用

方 消食病 痿症 痿症

鬱結門

開鬱 關格



虛勞門

勞症虛損辨

內傷發熱

未成勞而將成勞

陽虛下陷

陰虛下陷

陰虛火動夜熱晝寒

陰寒無火

過勞

日重夜輕

夜重日輕

陰

邪兼陽邪

氣血兩虛

氣虛胃虛

氣虛飲食

不消

血虛面色黃瘦

肺脾雙虧

肝腎兩虛

心腎不交

精滑夢遺

夜夢遺精

遺精健忘

倒飽中滿

久虛緩補

補氣

補血

出汗

勞症

痰嗽門

初病之痰

已病之痰

久病之痰

滯痰

溼

痰

寒痰

熱痰

老痰

頑痰

水泛爲痰



中氣又中痰 淫嗽 久嗽 久嗽 肺嗽兼補 腎

喘症門

氣治法 氣喘 實喘 虛喘 氣短似喘 抬

肩大喘 腎寒氣喘 腎火扶肝上冲 假熱氣

喘吐痰 喘嗽 貞元飲

吐血門

陽症吐血 大怒吐血 吐血 吐白血 血不

歸經 三黑神奇飲

嘔吐門

脾胃症辨 反胃大吐 寒邪犯腎大吐 嘔吐

火吐 寒吐 胃吐 反胃 反胃 胃寒 腎



寒吐瀉心寒胃弱

臟症門

水膜

氣臟

蟲臟

血膜

水症門

水腫

呃逆

水結膀胱

溼症門

黃症

痺症

傷溼

腳氣



男科

傳青主先生手著

介休王道平校字

傷寒門

初病說

凡病初起之時用藥原易奏功無如世人看不清症用藥錯亂往往致變症蜂起苟看病清用藥當何變症之有

傷風

凡人初傷風必然頭痛身痛咳嗽痰多鼻流清水切其脈必浮方用

荊芥防風柴胡黃芩半夏甘草各等分水煎服一劑即止不必再劑也

男科止



傷寒

凡傷寒初起鼻塞目痛項強頭痛切其脈必浮緊方用桂枝乾葛陳皮甘草各等分水煎服一劑即愈

外感

凡人外感必然發熱方用

柴胡黃芩荆芥半夏甘草各等分水煎服

四時不正之氣來犯人身必然由皮毛而入榮衛故用柴胡荆芥先散皮毛之邪邪既先散安得入內又有半夏以祛痰使邪不得挾痰以作祟黃芩以清火使邪不得挾火以作殃甘草調藥以和中是以邪散而無傷於正氣也若內傷之發熱則不可用此方

傷食



凡傷食必心中飽悶見食則惡食之轉痛也方用

白朮 一錢 茯苓 一錢 枳殼 一錢 谷芽 二錢 麥芽 二錢

山楂 二十个 神曲 五錢 半夏 一錢 甘草 五分 砂仁 三

粒 水煎服一劑快二劑愈

瘧疾方用遇仙丹

生軍 六兩 檳榔 三兩 三稜 三兩 莪朮 三兩 黑丑 三兩

白丑 三兩 木香 二兩 甘草 一兩 水丸遇發日清晨溫

水化三四丸尋以溫米飲補之忌生冷魚腥蕎面孕

婦勿服

傷暑

人感此症必然頭暈口渴惡熱甚則痰多身熱氣喘方

用

另料上

方

上



人參 一錢

白朮 五錢

茯苓 三錢

甘草 一錢

青蒿 一兩

香需 三錢

陳皮 一錢

水煎服一劑愈

大滿

此邪在上焦壅塞而不得散也方用

瓜雙

一個搗碎

枳殼 三錢

天花粉 三錢

梔子 二錢

陳

皮 三錢

厚朴 錢半

半夏 一錢

甘草 一錢

水煎服

此方之妙全在用瓜雙能去胸膈之食而消上焦之痰况又佐以枳殼花粉同是消中聖藥又有厚朴半夏以消胃口之痰尤妙在甘草使羣藥畱中而不速下則邪氣不能久存而散矣

發汗

凡人邪居腠理之間必須用汗藥以洩之方用



荆芥一錢 防風一錢 甘草一錢 桔梗一錢 蘇葉一錢

白朮五錢 雲苓三錢 陳皮五分 水煎服

此方妙在君白朮蓋人之脾胃健而後皮毛腠理始得開合白如白朮健脾去滯而邪已難存况有荆防蘇梗以表散之乎

寒熱真假辨

真熱症口乾極而呼水舌燥極而開裂生刺喉痛日夜不已大熱烙手而無汗也 真寒症手足寒久而不回色變青紫身戰不已口噤出聲而不可禁也 假熱症口雖渴而不甚舌雖乾而不燥即燥而無芒刺紋裂也 假寒症手足冰冷而有時溫和厥逆身戰亦未太甚而有時而安有時而搐是也



三和  
三  
乍寒乍熱辨

病有灑淅惡寒而後發熱者蓋陰脈不足陽往從之陽脈不足陰往乘之何謂陽不足寸脈微名曰陽不足陰氣上入陽中則惡寒也何謂陰不足尺脈弱名曰陰不足陽氣下陷陰中則發熱也凡治寒熱用柴胡升陽氣使不下陷陰中則不熱也用黃芩降陰氣使不升入陽中則不寒也

真熱症方用

麻黃

三錢

當歸

五錢

黃連

三錢

黃芩

三錢

石膏

三錢

知母

三錢

半夏

三錢

枳殼

二錢

甘草

一錢

水煎服一

劑輕二劑愈

真寒症方用



附子 三錢 肉桂 一錢 乾姜 一錢 白朮 五錢 人參 一兩

水煎服急救之此乃真中寒邪腎火避出軀壳之外而陰邪之氣直犯心宮心君不守肝氣無依乃發戰發噤手足現青色然則用桂附乾姜逐其寒邪足矣何用參朮卽用何至多加蓋元陽飛越祇一線之氣未絕祇用附桂乾姜一派辛辣之藥邪雖外逐而正氣垂絕若不多加參朮何以反正氣於若存若亡之際哉

假熱症方用

黃連 三錢 當歸 三錢 白芍 三錢 半夏 三錢 茯苓 二錢

柴胡 二錢 梔子 二錢 枳壳 一錢 菖蒲 三分 水煎服

此方妙在用黃連入心宮佐以梔子提刀直入無邪



不散柴胡白芍又塞敵運糧之道半夏枳壳斬殺黨  
餘中原既定四隅不戰而歸然火勢居中非用之得  
法則賊勢彌張依然復入又加菖蒲之辛熱乘熱飲  
之則熱喜熱不致相反而更相濟也

假寒症方用

肉桂 一錢

附子 一錢

人參 三錢

白朮 五錢

猪胆汁 半

个苦菜汁 十三匙

水三盃煎一盃冷服

將藥並器放冷水中漱涼入胆菜汁調勻一氣服之  
方中全是熱藥倘服不如式必然虛火上冲將藥嘔  
出必熱藥涼服已足順其性况下行又有二汁之苦  
以騙其假道之防也哉

真熱假寒



此症身外冰冷身內火熾發寒發熱戰慄不已乃真熱  
反現假寒之象以欺人也法當用三黃湯加石膏生薑  
乘熱飲之再用井水以撲其心至二三十次內熱自止  
外之戰慄亦若失矣後用元參麥冬白芍各二兩煎湯  
任其恣飲後不再甚也

真寒假熱

此症下部冰冷上部大熱渴欲飲水下喉卽吐乃真寒  
反現假熱之形以欺人也法當用八味湯大劑探冷與  
服再令人以手擦其足心如火之熱不熱不已以大熱  
爲度用吳萸一兩附子一錢射香三分以少許白面入  
之打糊作膏貼足心少頃必睡醒來下部熱而上之火  
息矣

上熱下寒

此症上焦火盛吐痰如湧泉面赤喉痛上身不欲蓋衣而下身冰冷此上假熱而下真寒也方用

附子

一个

熟地

半觔

山萸

四兩

麥冬

一兩

茯苓

三兩

五味子

一兩

丹皮

三兩

澤瀉

三兩

肉桂

一兩

水

十碗

煎三碗探冷與服二渣再用水三碗煎一碗一氣服之立刻安靜此上病下治之法也

循衣撮空

此症非大實則大虛當審其因察其脈參其症而分黑白矣實而便秘者大承氣湯虛而便滑者獨參湯厥逆者加附子

陰虛震蟻方用



附子 一錢 鹽水炒每用一片含口中後以六味地黃湯大劑飲之

外治法

引火下行用附子一個爲末醋調貼湧泉穴或吳莫一兩白面五錢水調貼湧泉穴急針刺少商穴則咽喉有一線之路矣

結胸

此傷寒之變症也傷寒邪火正熾不可急與飲食飲食而成此者方用

瓜雙

一個捶碎

甘草 一錢

水煎服勿遲

瓜雙乃結胸之聖藥常人服之必至心如遺落病人服之不具其虛乎不知結胸之症是食在胸中非大

黃枳壳檳榔厚朴所能祛逐必得瓜簍始得推蕩開  
脾少加甘草以和之不至十分猛烈也

扶正散邪湯

人參 一錢

白朮 三錢

茯苓 三錢

柴胡 三錢

半夏 一錢

甘草 一錢

水煎服

此方專治正氣虛而邪氣入之者如頭痛發熱右寸  
脈大於左寸口者急以此方投之無不全愈

火症門

瀉火湯總方

梔子 三錢

白芍 五錢

丹皮 三錢

元參 二錢

甘草 一錢

水煎服

心火加黃連一錢胃火加生石膏三錢腎火加黃柏



知母各一錢肺火加黃芩一錢大腸火加地榆一錢  
小腸火加天冬麥冬各一錢膀胱火加澤瀉三錢治  
火何獨治肝經蓋肝屬木最易生火肝火散則諸經  
之火俱散但散火必須用下洩之藥而使火之有出  
路也則得矣

### 火症

真火症初起必大渴引飲身有斑點或身熱如焚或發  
狂亂語方用

石膏 三錢 知母 三錢 元參 一兩 甘草 三錢 升麻 三錢

麥冬 一兩 半夏 三錢 竹葉 一百片 水煎服一劑少止

三劑愈

火越

此乃胃火與肝火共騰而外越不爲丹毒卽爲痧疹非他火也方用

元參 一兩

乾葛 三兩

升麻 三錢

青蒿 三錢

黃耆 三錢

水煎服

此方妙在用青蒿肝胃之火俱平又佐以羣藥重劑而火安有不滅者乎 治小兒亦效

燥症

此症初起喉乾口渴乾燥不吐痰乾咳嗽不已面色日紅不畏風吹者是也方用

麥冬 五錢

元參 五錢

桔梗 三錢

甘草 一錢

陳皮 三分

百部 八分

花粉 一錢

水煎服

治火丹神方



絲瓜子 一兩 美胡 一錢 元參 一兩 升麻 一錢 當歸 五錢 水煎服 小兒服之亦效

消食病

此火盛之症大渴引飲呼水自救朝食即飢或夜食不止方用

元參 一兩 麥冬 五錢 生地 三錢 竹葉 三十片 菊花 二錢

白芥子 二錢 丹皮 二錢 陳皮 五分 水煎服 痿症

不能起床已成廢人者此乃火盛內熾腎水熬乾治法宜降胃火而補腎水方用降補湯

熟地 一兩 元參 一兩 甘菊花 五錢 麥冬 一兩 生地 五錢

車前子 二錢 人參 三錢 沙參 五錢 地骨皮 五錢 水

煎服

痿症

人有兩足無力不能起立而口又健飯少飢即頭面皆熱咳嗽不已此亦痿症方用起痿至神湯

熟地 一兩

元參 一兩

山藥 一兩

菊花 一兩

當歸 五錢

白芍 五錢

人參 五錢

神曲 二錢

白芥子 三錢

水煎服

三十劑而愈

鬱結門

開鬱

如人頭痛身熱傷風咳嗽或心不爽而鬱氣蘊於中懷或氣不舒而怒氣滯於脇下斷不可用補藥方用

當歸 三錢

白芍 五錢

柴胡 一錢

半夏 二錢

枳殼 一錢



甘草一錢 白朮二錢 丹皮一錢 薄荷一錢 水煎服  
頭痛加川芎一錢 目痛加蒺藜一錢 菊花一錢 鼻塞  
加蘇葉一錢 喉痛加桔梗二錢 肩背痛加枳殼羌活  
兩手痛加姜黃或桂枝一錢 腹痛不可按者加大黃  
二錢 按之而不痛者加肉桂一錢 餘不必加

關格

怒氣傷肝而肝氣沖於胃口之間 腎氣不得上行 肺氣  
不得下行 而成此症 以開鬱為主 方用

荊芥一錢 紫胡一錢 川鬱金一錢 茯苓一錢 蘇子一

錢 白芥子一錢 白芍三錢 甘草五分 花粉一錢 水煎

服又方用

陰陽水各一碗 加鹽一撮 打百餘下 起泡 飲之即吐

面愈凡上焦有疾欲吐而不能吐者飲之立吐

### 虛勞門

#### 癆症虛損辨

三症外相似而治法不同虛損者陰陽兩虛也勞症者陰虛陽亢也故虛損可用溫補若勞症則忌溫補而用清補也兩症辨法不必憑脈但看人着復衣此着單衣者爲勞症人着單衣此着復衣者爲虛損勞症骨蒸而熱虛損榮衛虛而熱也

#### 內傷發熱方用

當歸 一錢

白芍 二錢

柴胡 一錢

陳皮 一錢

梔子 一錢

花粉 二錢

甘草 一錢

水煎服

凡肝木鬱者此方一劑卽快人病發熱有內傷外感



必先散其邪氣邪退而後補正則正不爲邪所傷也

但外感內傷不可用一方也

未成勞而將成勞方用

熟地 一兩 地骨皮

五錢

人參

五錢

麥冬

五錢

白芥子

三錢

白朮

一錢

山藥

三錢

五味子

三分

水煎服

凡人右寸脈大於左寸脈卽內傷之症不論左右關尺脈何如以此方投之效驗

### 陽虛下陷

凡人飢飽勞役內傷正氣以致氣乃下行脾胃不能剋化飲食不能運動往往變成勞瘵蓋疑飲食不進爲脾胃之病內乘之積輕則砂仁枳壳山查麥芽之品重則芒硝大黃牽牛巴豆之類紛然雜進必致膨悶而漸成

勞矣若先以升提之藥治之何至於成勞方用

人參 一錢 柴胡 一錢 陳皮 一錢 甘草 一錢 黃耆 三錢

白朮 三錢 升麻 三分 水煎服

陰虛下陷

凡人陰虛脾洩歲久不止或食而不化或化而溏洩方用

熟地 一兩 山藥 五錢 山萸 五錢 茯苓 三錢 白朮 五錢

肉桂 一錢 升麻 三分 五味子 一錢 車前子 一錢 水煎

晚服

此方純是補陰之藥且有升麻以提陰中之氣又有溫溼之品以煖命門而健脾土何至溏洩哉

陰虛火動夜熱晝寒

此腎水虛兼感寒或腎水虧竭夜熱晝寒若認作陽症



治之則口渴而熱益熾必致消盡陰水吐痰如絮咳嗽  
不已聲啞聲嘶變成勞瘵法當峻補其陰則陰水足而  
火焰消骨體清泰矣方用

熟地 一兩 山萸 五錢 五味子 三錢 麥冬 三錢 元參 一

兩 地骨皮 五錢 沙參 三錢 芡實 五錢 白芥子 三錢 桑

葉 十四片 水煎服

此方治陰虛火動者神效

陰寒無火方用

肉桂 一錢 附子 三錢 熟地 一兩 白朮 三錢 人參 三錢

柴胡 一錢 水煎服

二方治陰之中卽有以治陽治陽之中卽藏於補陰  
過勞

凡人過勞脈必浮大不倫若不安閒作息必有吐血之症法當滋補方用

熟地 五兩

山萸 四兩

當歸 半觔

黃耆 五兩

白芍 五兩

人參 三兩

白朮 五兩

茯苓 三兩

砂仁 五錢

陳皮 五錢

神曲 一兩

五味子 三兩

麥冬 三兩

密丸早晚滾水送

下五錢

日重夜輕

病重於日間而發寒發熱較夜尤重此症必須從天未明而先截之方用

人參 一錢

黃耆 五錢

當歸 三錢

白朮 五錢

枳壳 一錢

青皮 一錢

陳皮 一錢

柴胡 三錢

半夏 一錢

甘草 一錢

乾姜 五分

水煎服

又方

熟地 兩

人參 一錢

白朮 五錢



陳皮 一錢 甘草 一錢 柴胡 二錢 白芥子 一錢 水煎服

夜重日輕

病重於夜間而發寒發熱或寒少熱多或熱少寒多一到天明便覺清爽一到黃昏即覺沈重此陰氣虛甚也

方用

熟地

一兩

山萸

四錢

當歸

二錢

白芍

三錢

柴胡

三錢

陳皮

一錢

生何首烏

三錢

龜甲

五錢

白芥子

三錢

麥

冬

三錢

五味子

一錢

水煎服

此方妙在用龜甲乃至陰之物逢陰則入遇陽則轉生何首烏直入陰經亦攻邪氣白芥子去痰又不耗真陰之氣有不奏功者乎必須將黃昏時服則陰氣

固而邪氣不敢入矣

陰邪兼陽邪

此症亦發於夜間亦發寒發熱無異純陰邪氣之症但少少煩燥耳不若陰症之常靜也法當於補陰之中少加陽藥一二味使陽長陰消自奏功如響矣方用

熟地 兩 山萸 四錢 龜甲 五錢 當歸 三錢 人參 二錢

白朮 三錢 茯苓 五錢 柴胡 二錢 白芥子 三錢 陳皮 一

錢 麥冬 三錢 五味子 三錢 生何首烏 三錢 水煎服

氣血兩虛

飲食不進形容枯槁補其氣血益燥補其血氣益饒助胃氣而盜汗難止補血脈而胸膈阻滯法當氣血同治

方用



人參 一錢 白朮 一錢 川芎 一錢 當歸 二錢 熟地 三錢

麥冬 五錢 白芍 三錢 茯苓 二錢 甘草 八分 神曲 五分

陳皮 五分 谷芽 一錢 水煎服

此方氣血兩補與八珍湯同功而勝於八珍湯者妙在補中有調和之法耳

氣虛胃虛

人有病久而氣虛者必身體羸弱飲食不進或大便溏泄小便艱澀方用

人參 一兩 白朮 五錢 茯苓 三錢 甘草 一錢 陳皮 一錢

澤瀉 一錢 車前子 一錢 水煎服

此方用人參爲君者開其胃氣蓋胃爲腎之關關門不開則上之飲食不能進下之糟粕不能化必用人

參以養胃土茯苓車前以分消水氣如服此不效兼服八味丸最能實大腸而利膀胱也

氣虛飲食不消

飲食入胃必須氣充足始能消化而生津液今飲食不消氣虛也方用

人參 二錢

黃耆 三錢

白朮 三錢

茯苓 三錢

神曲 五分

甘草 三錢

麥芽 五分

山楂 三個

陳皮 五分

水煎服

傷面食加萊菔子有痰加半夏白芥子各一錢咳嗽

加蘇子一錢枯梗二錢傷風加柴胡二錢夜臥不安

加炒砂仁二錢胸中微痛加枳殼五分方內純是開

胃之品又恐飲食難消後加消導之品則飲食化而

津液生矣



血虛面色黃瘦

出汗盜汗夜臥常醒不能潤色以養筋是也血虛自當補血舍四物湯又何求耶今不用四物湯用

熟地 一兩

麥冬 三錢

桑葉 十片

枸杞 三錢

當歸 五錢

茜草 一錢

水煎服

此方妙在用桑葉以補陰而生血又妙在加茜草則血得活而益生况又濟之歸地麥冬大劑以共生乎

肺脾雙虧

咳嗽不已吐瀉不已此肺脾受傷也人以咳嗽宜治肺吐瀉宜治脾殊不知咳嗽由於脾氣之衰幹旋之令不行則上爲咳嗽矣吐瀉由於肺氣之弱清肅之令不行始上吐而下瀉矣方用

男科上

十四

人參 錢半

麥冬 二錢

茯苓 二錢

柴胡 五分

神曲 五分

薏仁 五分

車前子 一錢

甘草 一錢

水煎服

此治脾治肺之藥合而用之咳嗽吐瀉之病各愈所謂一方而兩用之也

肝腎兩虛

腎水虧不能滋肝則肝木抑鬱而不舒必有兩脇飽悶之症肝木不能生腎中之火則腎水日寒必有腰背難於俯仰之症此症必須肝腎同補方用

熟地 一兩

山萸 五錢

當歸 五錢

白芍 五錢

柴胡 二錢

肉桂 一錢

水煎服

熟地山萸補腎之藥歸芍柴桂補肝之品既云平補似乎用藥不宜有重輕今補肝之藥多於補腎者何



蓋腎為肝之母肝又為命門之母豈有木旺而不生  
命門之火者哉

心腎不交

腎水藏也心火藏也是心腎二經為仇敵矣似不可牽  
連而合治之也不知心腎相尅而實相須腎無心之火  
則水寒心無腎之水則火熾心必得腎水以滋潤腎必  
得心火以溫煖如人驚惕不安夢遺精洩皆心腎不交  
之故人以驚惕為心之病我以為腎之病人以夢洩為  
腎之病我以為心之病非顛倒也實有至理焉人果細  
心思之自然明白方用

熟地 五兩 山萸 三兩 山藥 三錢 人參 三兩 白朮 五兩

芡實 五錢 茯神 三兩 菖蒲 一兩 棗仁 三兩 遠志 一兩

男科上

十五

五味子 一兩 麥冬 三兩 柏子仁 三兩 蜜丸每早晚溫

水送下五錢

此方之妙治腎之藥少於治心之味蓋心君甯靜腎氣自安何至心動此治腎正所以治心治心即所以治腎也所謂心腎相依

精滑夢遺

此症人以爲腎虛也不獨腎病也心病也宜心腎兼治

方用

熟地 半觔 山藥 一兩 山茱 四兩 人參 三兩 白朮 四兩

茯苓 三兩 麥冬 三兩 肉桂 一兩 鹿茸 一兩 砂仁 五錢

棗仁 一兩 遠志 一兩 杜仲 一兩 白芍 三兩 附子 一錢

柏子仁 一兩 破故子 一兩 紫河車 一付 巴戟 三兩 五



味子

一兩

肉蓯蓉

三兩

蜜丸早晚白水送下五錢

此方用熟地山藥山萸之類補腎也巴戟肉蓯蓉附子鹿茸補腎中之火也可以已矣而又必加人參茯苓柏子仁麥冬遠志棗仁者何也蓋腎火虛由於心火虛也使補腎火不補心火則反增上焦枯渴故欲補腎火必須補心火則水火相濟也

### 夜夢遺精

此症由於腎水耗竭上不能通於心中不能潤於肝下不生於脾以致玉關不閉無夢且遺法當補腎而少佐以益心肝脾之品方用

熟地

一兩

山萸

四錢

茯苓

三錢

白朮

五錢

白芍

三錢

生棗仁

三錢

茯神

二錢

五味子

一錢

當歸

三錢

白芥

子一錢 薏仁三錢 肉桂五分 黃連五分 水煎服一劑

止十劑不犯

遺精健忘

遺精下病也健忘上病也何以合治之而咸當乎蓋遺精雖是腎水之虛而實本於君火之弱今補其心君則玉悶不必問而自閉矣所謂一舉而兩得也方用

人參三兩 連翹二兩 芡實三兩 熟地五兩 山藥四兩

五味子一兩 麥冬三兩 生棗仁三兩 遠志一兩 柏子

仁一兩去油 菖蒲一兩 常歸三兩 山萸三兩 蜜丸每

日服五錢白水下

倒飽中滿

氣虛不能食食則倒滿方用



人參 一錢 白朮 二錢 茯苓 三錢 陳皮 三分 甘草 一錢

山藥 三錢 芡實 五錢 薏仁 五錢 萊菔子 一錢 水煎服

下喉雖則微脹入腹漸覺爽快

久虛緩補

久虛之人氣息奄奄無不曰宜急活矣不知氣血大虛驟加大補之劑力量難任必致胃口轉膨脹不如緩緩清補之也方用

當歸 一錢 白芍 二錢 茯苓 一錢 白朮 五錢 人參 三分

山藥 一錢 陳皮 三分 麥芽 三分 炮姜 三分 棗仁 五分

甘草 三分 水煎服

此方妙在以白芍爲君引參苓入肝爲佐小小使令徐徐奏功使脾氣漸實胃口漸開然後再用純補之

劑先宜緩補之也

補氣

右手脈大氣分之勞也方用補氣丸

人參

三兩

黃耆

三兩

茯苓

四兩

白朮

半觔

白芍

三兩

陳皮

一兩

炙草

八錢

五味子

一兩

麥冬

二兩

遠志

一兩

白芥子

一兩

蜜丸

早服

五錢

白朮

水下

補血

左手脈大血分之勞也方用補血丸

熟地

半觔

山萸

四兩

當歸

四兩

白芍

半觔

麥冬

一兩

砂仁

五錢

棗仁

一兩

白芥子

一兩

五味子

一兩

肉桂

五錢

蜜丸

晚服

一兩

白朮

水下

如身熱

去肉桂

加地骨皮

五錢



出汗

人有病不宜汗多若過出汗恐其亡陽不可不用藥以歛之方用

人參 一兩 黃芪 一兩 當歸 一兩 桑葉 五片 麥冬 三錢

炒枣仁 一錢 水煎服

癆症

癆症既成最難治者必有虫生之以食人之氣血也若徒補其氣血而不入殺蟲之藥則飲食入胃而蔭蟲而不生氣血若但殺蟲而不補氣血則五藏俱受傷又何有生理哉惟於大補之中加殺蟲之藥則元氣既全真陽未散蟲死而身安矣方用

人參 三兩 熟地 半觔 地栗粉 半觔 鼈甲 一觔 神曲 五

明料上

上

兩何首烏半觔麥冬五兩桑葉半觔山藥一觔白微  
三兩熟地爲丸每日白水送下五錢半年蟲從大便  
出矣

痰嗽門

古人所立治痰之法皆是治痰之標而不能治其本  
也如二陳湯上中下久暫之痰皆治之而其實無實  
效也今立三方痰病總不出其範圍也

初病之痰

傷風咳嗽吐痰是也方用

陳皮一錢

半夏一錢

花粉一錢

茯苓一錢

蘇子一錢

甘草一錢

水煎服

二劑而痰可消矣此去上焦之痰上焦之痰原在胃



中而不在肺去其胃中之痰而肺金自然清肅又何至火之上升哉

已病之痰

必觀其色之白與黃而辨之黃者火已退也白者火正熾也正熾者用寒涼之品將退者用祛逐之味今一方而俱治之方用

白朮 三錢 茯苓 五錢 白芥子 三錢 陳皮 一錢 甘草 一

錢 枳殼 五分 水煎服

有火加梔子無火不必加此方健脾去溼治痰之在

中焦者也又方

白朮 五錢 茯苓 五錢 人參 五分 益智仁 三分 薏仁 五

錢 陳皮 一錢 天花粉 二錢 水煎服

有火加黃芩一錢無火加乾姜一錢甘草二分此方健脾去溼而不耗氣二劑而痰自消也

久病之痰

久病痰多切不可作脾溼生痰論之蓋久病不愈未有不因腎水虧損者也非腎水泛上為痰即腎火沸騰為痰當補腎以祛逐之方用

熟地

一兩

山藥

五錢

山萸

五錢

麥冬

五錢

五味子

三錢

錢

茯苓

三錢

益智仁

二錢

薏仁

一兩

芡實

五錢

車前

子

一錢

水煎服

此治水泛為痰之聖藥也若火沸騰為痰加肉桂一錢補腎去溼而化痰水入腎宮自變為真精而不化痰矣此治下焦之痰也又方六味地黃湯加麥冬五



味子實有奇功無火加桂附

滯痰

夫痰之滯乃氣之滯也苟不補氣而惟去其痰未見痰去而病消也方用

人參 一錢 白朮 二錢 茯苓 三錢 陳皮 一錢 花粉 一錢

蘇子 八分 白蔻 二粒 白芥子 一錢 水煎服

溼痰

治痰之法不可徒去其溼必以補氣爲先而佐以化痰之品乃克有效方用

人參 一兩 茯苓 三錢 薏仁 五錢 半夏 三錢 陳皮 一錢

神曲 三錢 甘草 一錢 水煎服

此方之中用神曲人多不識謂神曲乃消食之味非

化痰之品不知痰之積聚稠粘甚不易化惟用神曲以發之則積聚稠粘開矣繼之以半夏陳皮可以奏功然雖有陳半消痰使不多用人參則痰難消今有人參以助氣又有慈仁茯苓健脾去溼而痰焉有不消者乎

### 寒痰

人有氣虛而痰寒者即用前方加肉桂三錢乾姜五分足之矣

### 熱痰

人有氣虛而痰熱者方用

當歸 三錢

白芍 二錢

麥冬 二錢

陳皮 一錢

神曲 三分

甘草 一錢

茯苓 二錢

花粉 一錢

白芥子 一錢

水煎服



老痰

凡痰在胸膈不下化若謂之老痰方用

柴胡一錢 白芍三錢 茯苓一錢 甘草一錢 陳皮一錢

丹皮一錢 薏苡三錢 花粉一錢 白芥子五錢 水煎服

此方妙在白芥子爲君薏苡仁白芍爲臣柴胡花粉爲佐使老痰無處可藏十劑而老痰可化矣

頑痰

痰成而塞咽嘔者謂之頑痰方用

貝母三錢 半夏三錢 茯苓三錢 白朮五錢 神曲二錢

甘草一錢 桔梗一錢 白礬一錢 炙紫苑一錢 水煎服

此方妙在貝母半夏同用一燥一溼使痰無處逃避又有白礬消塊梗苑去邪甘草調中有不奏功者乎

水乏爲痰

腎中之水有火則安無火則泛倘人過於入房則水去而火亦去久之則水虛而人亦虛水無可藏之地必泛上爲痰矣治之法欲抑水之下降必先使火之下溫堂於補腎之中加大熱之藥使水足以制火火足以煖水則水火有既濟之道自不上泛爲痰矣方用

熟地 一兩 山萸 五錢 肉桂 一錢 牛夕 三錢 五味子

錢 水煎服一劑而痰下行矣二劑而痰自消矣

中氣又中痰

中氣中痰雖若中之異而實中於氣之虛也氣虛自然多痰痰多必然耗氣雖分而實合也方用

人參 一兩 半夏 三錢 南星 三錢 茯苓 三錢 附子 一錢



甘草 一兩 水煎服

人參原是氣分之神劑而亦消痰之妙藥半夏南星雖逐痰之神品而亦扶氣之正藥附子甘草一仁勇相濟而成

溼嗽

秋傷於溼若用烏梅栗壳等味斷乎不效方用

陳皮 一錢 當歸 一錢 甘草 一錢 白朮 二錢 枳壳 一錢

桔梗 一錢 水煎服

三劑帖然矣冬嗽皆秋傷於溼也豈可拘於受寒乎

久嗽方用

人參 五錢 白芍 三錢 棗仁 三錢 五味子 一錢 益智仁

五分 白芥子 一錢 水煎服

男科上

三三

二劑後服六味地黃丸

久嗽方用

烏梅

五錢

薄荷

五分

杏仁

一錢

硼砂

一錢

人參

一錢

童便

味子

一錢酒蒸

寒水石

一錢火煨

貝母

兩甘草

五分

瓜蒌仁

五錢去油

胡桃仁

二錢去油

蜜丸櫻桃大淨綿包之口中噙化虛勞未曾失血脉

禾數者皆用之無論老少神效十粒見功二十粒愈

又方用

人參當歸細茶各一錢水煎連渣嚼盡一二劑即愈

肺嗽兼補腎

肺嗽之症本是廊虛其補肺也明矣奈何兼補腎乎蓋肺經之氣夜必歸於腎若肺金爲心火所傷必求救於



其子子若力量不足將何以救其母哉方

熟地一兩

山萸

四錢

麥冬一兩

元參

五錢

蘇子一錢

牛夕一錢

沙參二錢

天冬二錢

紫苑五分

水煎服

喘症門

氣治法

氣虛氣實不可不平之也氣實者非氣實乃正氣虛而邪氣實也法當用補正之藥而加祛逐之品則正氣足而邪氣消矣方用

人參一錢

白朮一錢

柴胡二錢

白芍

三錢

麻黃一錢

半夏一錢

甘草一錢

水煎服

推而廣之治氣非一條也氣陷補中益氣湯可用氣衰六君子湯可採氣寒人參白朮附子湯可施氣虛

則用四君子湯虛鬱則用歸脾湯氣熱用生脈散氣喘用獨參湯氣動用二陳湯加人參氣壅塞用射干湯氣逆用逍遙散氣虛則羸弱氣實則壯盛氣虛用前方實者另一方

白朮一錢 茯苓三錢 柴胡一錢 白芍二錢 陳皮五分

甘草一錢 山查十个 枳壳五分 梔子一錢 水煎服喘

凡人氣喘而上者人以爲氣有餘也殊不知氣盛當作氣虛看有餘當作不足看若認作肺氣之盛而用蘇葉桔梗百部豆根之類去生遠矣方用

人參三兩 牛夕三錢 熟地五錢 山萸四錢 枸杞一錢

五味子一錢 麥冬五錢 胡桃三个 生薑五片 水煎服

此方不治肺而正所以治肺也或疑人參乃健脾之



其補腎不宜多人參不知腎水大虛一時下  
能生非急補其氣則元陽一線必且斷絕况人參  
少用則泛上多用卽下行妙在用人參叁兩使下達  
病源補氣以生腎水方中熟地山萸之類同氣相求  
直入命門又何患其多哉若病重之人尤宜多加但  
喘有初起之喘有久病之喘初起之喘多實邪久病  
之喘多氣虛實邪喘者必抬肩氣虛喘者微微氣息  
耳此方治久病之喘若初起之喘四磨四七湯一劑  
卽止喘不獨肺氣虛而腎水竭也

實喘方用

黃芩 二錢 柴胡 五分 麥冬 三錢 蘇葉 一錢 甘草 五分  
烏藥 一錢 半夏 一錢 山豆根 一錢 水煎服

一刺喘定不必再刺也凡實喘症氣大急喉中必作聲肩必抬似重而實輕也

虛喘

大抵此等症氣少息喉無聲肩不抬也乃腎氣大虛脾氣又復將絕故奔冲而上欲絕未絕也方用救絕湯

人參 一兩

熟地 一兩

山萸 三錢

牛夕 一錢

麥冬 五錢

五味子 一錢

白芥子 一錢

水煎服

氣短似喘

此症似喘而實非喘也若作實喘治之立死蓋氣短乃腎氣虛耗氣冲上焦壅寒於肺經不足之症也方用好

人參 二兩

熟地 一兩

山萸 三錢

牛夕 三錢

麥冬 五錢

補骨脂 三錢

枸杞 三錢

胡桃 三个

去皮

五味子 二錢



水煎服

三劑氣平喘定此方妙在用人參之多能下達氣原挽回於無何有之鄉又純是補肺補腎之品子母相生水氣自旺則火氣自安於故宅不上冲於喉門矣

抬肩大喘

人忽感風邪寒入於肺以致喘急肩抬氣逆痰吐不出身不能臥方用

柴胡 二錢 扶苓 二錢 黃芩 一錢 當歸 二錢 麥冬 二錢

甘草 一錢 桔梗 二錢 半夏 一錢 射干 一錢 水煎服

此方妙在用柴胡射干桔梗以發舒肺金之氣半夏以去痰黃芩以去火蓋感寒邪內必變為熱症故用黃芩以清解之然徒用黃芩雖曰清火轉足以遏抑

其火而火未必伏也有射干桔梗柴胡一派辛散之品則足以消火滅邪矣

腎寒氣喘

人有氣喘不能臥吐痰如湧泉者舌不燥而喘不止一臥卽喘此非外感之寒邪乃腎中之寒氣也蓋腎中無火則水無所養乃泛上而爲痰方用六味地黃湯加桂附大劑飲之蓋人之臥必腎氣與肺氣相安而後河車之路平安而無奔越也

腎火扶肝上冲

凡人腎火逆扶肝氣而上冲以致作喘甚有吐紅粉痰者此又腎火炎上以燒肺金肺熱不能尅肝而龍雷之火升騰矣方用



沙參 一兩 麥冬 五錢 地骨皮 一兩 丹皮 三錢 甘草 三

分 桔梗 五分 白芍 五錢 白芥子 二錢 水煎服

此方妙在地骨皮清骨中之火沙參丹參以養陰白芍平肝麥冬清肺甘草桔梗引入肺經則痰消而喘定矣

### 假熱氣喘吐痰

人有假熱氣喘吐痰者人以爲熱而非熱也乃下元寒極逼其火而上喘也此最危急之症苟不急補其腎水與命門之火則一線之微必然斷絕方用

熟地 四兩 山藥 三兩 五味子 一兩 麥冬 三兩 牛夕 一

兩 肉桂 一錢 附子 一錢 水煎冷服一劑而愈

喘嗽

人身氣一  
人有喘而且嗽者人以爲氣虛而有風痰也誰知是氣  
虛不能歸源於腎而肝木挾之作祟乎法當峻補其腎  
少助以引火之品則氣自歸源於腎而喘嗽自止矣方  
用

人參 一兩 熟地 二兩 麥冬 五錢 牛夕 一錢 枸杞 一錢

茯苓 三錢 白朮 一錢 五味子 一錢 兔絲子 一錢 水煎

服連服幾劑必有大功倘以四磨四七湯治之則不  
效矣

貞元飲 此方專治喘而脈微瀉者

熟地 三兩 當歸 七錢 甘草 一錢 水煎服婦人多此症

吐血門

陽症吐血



人有感暑傷氣忽然吐血盈盆人以爲陰虛也不知陰虛吐血與陽虛不同陰虛吐血人安靜無躁動陽虛必大熱作渴欲飲冷水舌必有刺陰虛口不渴而舌胎滑也法當清胃火不必止血也方用

人參 三錢

當歸 三錢

荆芥 一錢

青蒿 五錢

香薷 三錢

石羔 三錢

水煎服

此方乃陽症吐血之神劑也方中雖有解暑之味然補正多於解暑去香薷一味實可同治但此方祇可用一二劑卽改六味地黃湯

大怒吐血

其吐也或傾盆而出或沖口而來一時昏暈死在頃刻以止血治之則氣悶不安以補血治之則胸滿不受有

變症蠶起而死者不可不治之得法也方用解血平湯

白芍 二兩

當歸 二兩

荆芥 三錢

黑梔 三錢

紅花 二錢

柴胡 八分

甘草 一錢

水煎服

一劑而氣平舒二劑而血止息三劑而病大愈此症  
蓋怒傷肝不能平其氣以致吐血若不先舒其氣而  
遽止血則愈激動肝火之氣必氣愈旺而血愈吐矣  
方中用白芍平肝又舒氣荆芥柴胡引血歸經當歸  
紅花生新去舊安有不愈者哉

### 吐血

此症人非以為火盛即以為陰虧用涼藥以瀉火乃火  
愈退而血愈多用滋陰之味止血之品仍不效誰知是  
血不歸經乎治法當用補氣之藥而佐以引血歸經之



味不止血而血自止矣方用

人參

五錢

當歸

一兩

丹皮

炒三錢

黑芥穗

三錢

水煎服

一劑而止此方妙在不專補血而反去補氣以補血尤妙在不去止血而去行血以止血蓋血逢寒則凝逢散則歸經救死於呼吸之際大有神功

### 吐白血

血末有不紅者何以名白血不知久病之人吐痰皆白沫乃白血也白沫何以名白血以其狀似蟹涎無敗痰存其中實血而非痰也若所將吐白沫露於星光之下一夜必變紅矣此沫出於腎而腎火沸騰於咽喉不得不吐者也雖是白沫而實腎中之精豈特血而已哉苟不退治則白沫變爲綠病無可如何矣方用

熟地 一兩

山藥 五錢

山黃 五錢

丹皮 二錢

澤瀉 二錢

茯苓 五錢

麥冬 一兩

五味子 一錢

水煎 日日服之效

血不歸經

凡人血不歸經或上或下或四肢毛竅各處出血循行經絡外行於皮毛中行於臟腑內行於筋骨上行於頭目兩手下行於二便一臍周身無非血路一不歸經斯各處妄行有孔則鑽有洞則洩甚則嘔吐或見於皮毛或出於齒縫或滲於臍腹或露於二便皆宜順其性以引之歸經方用

熟地 五錢

生地 五錢

當歸 三錢

白芍 三錢

麥冬 三錢

茜草根 一錢

荆芥 一錢

川芎 一錢

甘草 一錢

水煎服

此方即四物湯加減妙在用茜草引血歸經



三黑神奇飲

丹皮

七分炒黑

黑梔

五分

真蒲黃

一錢二分炒黑

貝

母一錢

川芎

一錢酒洗

生地

一錢

酒洗

水二樽童便

藕汁各半樽煎服此方治吐血神效無比二劑止  
六味地黃湯加麥冬五味子最能補腎滋肝木得其  
養則血有可藏之經而不外洩血症最宜服之

嘔吐門

脾胃症辨

人有能食而不能化者乃胃不病而脾病也當補脾而  
補脾尤宜補腎中之火蓋腎火能生脾土也不能食食  
之而安然者乃脾不病而胃病也不可補腎中之火當  
補心火蓋心火能生胃土也世人一見不飲食動曰脾

胃脾上

胃虛也殊不知胃之虛寒責之心脾之虛寒責之腎也  
不可不辨也

反胃大吐

大吐之症舌有芒刺雙目紅腫人以爲熱也誰知是腎  
水之虧乎蓋脾胃必借腎水而滋潤腎水一虧則脾胃  
之火沸騰而上以致目紅腫而舌芒刺也但此症時躁  
時靜時欲飲水及水到又不欲飲卽強之飲亦不甚快  
此乃上假熱而下眞寒也宜六味地黃湯加附桂水煎  
服

外治法先以手擦其足心使之極熱然後用附子一个  
煎湯用鷄翎掃之隨乾隨掃少頃卽不吐矣後以六味  
地黃湯大劑飲之卽安然也或逍遙散加黃連亦立止



也無如世醫以新藥投之而成噎隔矣方用

熟地 二兩

山萸 一兩

當歸 五錢

元參 一兩

牛膝 三錢

五味子 二錢

白芥子 三錢

水煎服

蓋腎水不足則大腸必乾而細飲食入胃難於下行故反面上吐矣

寒邪犯腎大吐

寒入腎宮將脾胃之水挾之盡出手足厥逆小腹痛不可忍以熱物熨之少快否則寒冷難支人多以為胃病其實腎病也方用

附子 一个

白朮 四兩

肉桂 一錢

乾姜 三錢

人參 三兩

水煎服

此藥下喉便覺吐定煎渣再服安然如故

男科上

三

嘔吐

世人皆以嘔吐爲胃虛誰知由於腎虛乎故治吐不效未窺見病之根也方用

人參 三錢

白朮 五錢

薏仁 五錢

芡實 三錢

砂仁 五粒

吳萸 五分

水煎服

火吐

此症若降火則火由脾而入於大腸必變爲便血之症法宜清火止吐方用

茯苓 一兩

人參 二兩

砂仁 三粒

黃連 三錢

水煎服

寒吐

此症若降寒則又引入腎而流於膀胱必變爲遺尿之症宜散寒止吐方用



白朮 二兩 人參 五錢 附子 一錢 乾姜 一錢 丁香 一錢

水煎服

此方散寒而用補脾之品則寒不能上越而亦不得下行勢不能不從臍出也

胃吐

此症由於脾虛脾氣不得下行自必上反而吐補脾則胃安方用

人參 三錢 白朮 五錢 茯苓 三錢 甘草 一錢 肉桂 一錢

神曲 一錢 半夏 一錢 砂仁 三粒 水煎服

此方治胃病以補脾者何也蓋胃為脾之關關門之動騰由於關中之潰亂欲使關外之安靜必先使關中之安甯况方中砂仁半夏神曲等味全是止吐之

品有不奏功者乎此脾胃兩補之法也

反胃

人有食入而即出者乃腎水虛不能潤喉故喉燥而即出也方用

熟地 二兩 山萸 五錢 山藥 一兩 澤瀉 三錢 丹皮 三錢

茯苓 五錢 麥冬 五錢 五味子 一錢 水煎服

反胃

此症又有食久而反出者乃腎火虛不能溫脾故脾寒而反出也方用

熟地 二兩 山萸 一兩 山藥 六錢 茯苓 三錢 澤瀉 二錢

丹皮 三錢 附子 三錢 肉桂 三錢 水煎服

胃寒



心胃兼補治脾胃兩虛者固效若單胃之虛寒自宜獨  
治心之爲妙方用

人參 一兩

白朮 三兩

茯苓 三兩

菖蒲 五錢

良姜 五錢

棗仁 五錢

半夏 三錢

附子 三錢

山藥 四錢

遠志 一兩

蓮子 三兩

白芍 三兩

白芥子 三錢

蜜丸每日白水送

下五錢

腎寒吐瀉心寒胃弱

此症由於心寒胃弱嘔吐不已食久而出是也下痢不  
已五更時痛瀉三五次者是也人以為脾胃之寒服脾  
胃之藥而不效者何也蓋胃爲腎之關而脾爲腎之海  
胃氣弱不補命門之火則心包寒甚何以生胃土而消  
谷食脾氣弱不補命門之火則下焦虛冷何以化飲食

男科止

而生補華故補脾胃莫急於補腎也方用

熟地 三兩

山萸 二兩

茯苓 三兩

人參 三兩

山藥 四兩

附子 一兩

肉桂 一兩

吳萸 五錢

五味子 一兩

蜜丸每

日白水送下五錢

空心

臍症門

水臍

此症滿身皆水按之如泥者是若不急治水流四肢不得從膀胱出則為死症矣方用決流湯

黑丑 二錢

甘遂 二錢

肉桂 三分

車前子 一兩

水煎服

一劑水流斗餘二劑全愈斷勿與三劑也與三劑反殺之矣蓋二丑甘遂最善利水又加肉桂車前子引水以入膀胱利水而不走氣不使牛遂之過猛也二



劑之後須改五苓散調理三劑再用六君子湯補脾  
可也忌食鹽犯之則不救矣

### 氣脹

此症氣虛作腫似水而實非水也但按之不如泥耳必  
先從腳面上腫起後漸腫至身上於是頭面皆腫者有  
之此之謂之氣脹宜於健脾行氣之中加飲水之品若  
以治水脹治之是速之死也方用

白朮 一兩

茯苓 二兩

薏仁 一兩

甘草 一分

枳殼 五分

人參 一錢

山藥 五錢

肉桂 一分

神曲 一錢

車前子 一

錢 蘿蔔子 一錢

水煎服

初服若覺有礙久之自有大功三十劑而愈矣亦忌  
食鹽秋石亦忌

蟲臛

三十三

此症小腹痛四肢浮腫而未甚面色紅而有白點如蟲食之狀是之謂蟲臛方用消蟲神奇丹

當歸 一兩

鼈甲 一兩

雷丸 三錢

神曲 三錢

茯苓 三錢

地栗粉 一兩

車前子 五錢

白礬 三錢

水煎服

一劑下蟲無數二劑蟲盡臛消不必三劑但病好必用六君子湯去甘草調理

血臛

此症或因跌閃而瘀血不散或憂鬱而結血不行或風邪而畜血不散畱在腹中致成血臛飲食入胃不變精血反去助邪久則脹脹成臛矣倘以治水法逐之而症非水徒傷元氣以治氣法治之而又非氣徒增飽滿方



用逐瘀湯

水蛭 三錢 此物最難死火燒經年入水猶生必須炒

黃為末方安 當歸 二兩 雷丸 三錢 紅花 三錢 枳殼 三

錢 白芍 三錢 牛夕 三錢 桃仁 四十粒 水煎服

一劑血盡而愈切勿與二劑當改四物湯調理於補

血內加白朮茯苓人參補元氣而利水自然全愈不

則恐成乾枯之症辨血膨惟腹脹如臃而四肢手足

並無脹意也

水症門

水腫

此症土不能尅水也方用

牽牛 三錢 甘遂 三錢 水煎服

男科止

此症治法雖多獨此方奇妙其次雞屎醴亦效雞屎醴治血臟尤效

呃逆

此症乃水氣凌心包也心包為水氣所凌呃逆不止號召五藏之氣救水氣之犯心也治法當利溼分水方用

扶神 一兩

蒼朮 三錢

白朮 三錢

薏仁 一兩

芡實 五錢

法製半夏 一錢

人參 三錢

陳皮 一錢

丁香 五錢

吳萸

三分 水煎服二劑愈

水結膀胱

此症目突口張足腫氣喘人以為不治之症不知膀胱與腎相為表裏膀胱之開合腎司其權特通其腎氣而膀胱自通矣方用通腎消水湯



山藥 一兩 薏仁 一兩 車前子 三錢 水煎服

山藥 一兩 薏仁 一兩 車前子 三錢 水煎服

淫症門

黃症

此症外感之淫易治內傷之淫難療外感者利水則愈若內傷之淫瀉水則氣消發汗則精泄必健脾行氣而後可也方用

白朮 一兩 茯苓 一兩 薏仁 一兩 茵陳 三錢 黑梔 三錢

陳皮 五分 水煎服

此方治內感之淫不治外感之淫若欲多服去梔子

癰症

此症雖因風寒淫而來亦因元氣之虛邪始得乘虛而

男科七

入倘攻邪而不補正則難愈矣今於補正之中佐以去風寒溼之品而痺如失矣方用

白朮 五錢 人參 三錢 茯苓 一兩 柴胡 一錢 附子 一錢

半夏 一錢 陳皮 五分 水煎服

傷溼

此症惡溼身重足腫小便短赤方用

澤瀉 三錢 猪苓 三錢 肉桂 五分 茯苓 五錢 白朮 五錢

柴胡 一錢 半夏 一錢 車前子 一錢 水煎服一劑愈

腳氣

今人以五苓散去溼亦是正理然不升其氣而溼未必盡去也必須提氣而水乃散也方用

黃蓍 一兩 人參 三錢 白朮 三錢 防風 一錢 肉桂 一錢



薏仁

五錢

芡實

五錢

白芍

五錢

半夏

二錢

柴胡

一錢

陳皮

五分

水煎服

此方去溼之聖藥防風用於黃耆之中已足提氣而  
去溼又助之柴胡舒氣則氣自升騰氣升則水散白  
朮茯苓薏仁芡實俱是去溼之品有不神效者乎





泄瀉門

瀉甚 水瀉 火瀉 水瀉 泄瀉吞酸

痢疾門

火邪內傷辨 痢疾 血痢 寒痢

大小便門

大便不通 實症大便不通 虛症大便不通

小便不通 大小便不通

厥症門

寒厥 熱厥 尸厥 厥症 內傷猝倒 陰虛

猝倒 陽虛猝倒 腎虛猝倒 大怒猝倒 中

風不語 口眼歪邪 半身不遂 半身不遂口

目錄下

眼歪邪 癰症

癰狂門

癰狂 發狂見鬼 發狂不見鬼 狂症 寒狂

怔忡驚悸門

怔忡不寐 心驚不安夜臥不睡 恐怕 神氣

不甯

腰腿肩背手足疼痛門

滿身皆痛 腰痛 腰痛 腰痛 腰腿筋骨痛

腰痛足亦痛 腿痛 兩臂肩膊痛 手足痛

胸背手足頸項腰膝痛 腰痛兼頭痛

心腹痛門



麻木門

手麻木 手麻 手足麻木 木 腿麻木 兩

手麻木困倦嗜臥 渾身麻木 麻木痛 足弱

筋縮

脇痛門

兩脇有塊 左脇痛 右脇痛 左右脇俱痛

兩脇走注 脇痛身熱 脇痛 脇痛咳嗽

濁淋門

二濁五淋辨 淋症 濁症

腎病門

陽強不倒 陽痿不舉 尿血又便血 疝氣

腎子痛 偏墜

雜方

病在上而求諸下 病在下而求諸上 瘡毒

頭面上瘡 身上手足之瘡疽 統治諸瘡 黃

水瘡 手汗 飲砒毒 補腎 嚏噴法 破傷

風 瘋狗咬傷

小兒科

色 脈 三關 不食乳 臍不乾 山根

發熱 感冒風寒 驚風 驚風 痢疾 泄瀉

寒瀉 吐 咳嗽 疳症 口疳流水口爛神

方 疳症瀉痢眼障神方 瘧疾 便蟲 積蟲

一日五六十回傾腸而出完谷不化驚風



瀉甚

一日五六十回傾腸而出完谷不化糞門腫痛如火之熱苟無以救之必至立亡方用截瀉湯

薏仁 二兩

白芍 二兩

山藥 一兩

黃連 五錢

人參 三錢

車前子 一兩

茯苓 五錢

澤瀉 二錢

甘草 二錢

肉桂 三

分 水煎服

水瀉方用

白朮 一兩

車前子 五錢

水煎服

此方補腎健脾利水去溼治瀉神效

火瀉

完谷不化飲食下喉即出日夜數十次甚至百次人皆

男科下

知爲熱也然而熱之生也何故生於胃中之水衰不能制火使胃土關門不守於上下所以直進而直出也論其勢之急迫似乎宜治其標然治其標而不能使火之驟降必須急補腎中之水使火有可居之地而後不至上騰也方用

熟地

三兩

山萸

一兩

茯苓

一兩

甘草

一兩

白芍

三兩

肉桂

三分

車前子

一兩

水煎服

此乃補腎之藥非止瀉之品然而止瀉之妙捷如桴鼓矣世人安知此也

水瀉

此乃純是下清水非言下痢也痢無止法豈瀉水亦無



一錢 水煎服

泄瀉吞酸

泄瀉寒也吞酸火也似乎寒熱殊而治法異矣不知吞酸雖熱由於肝氣之鬱結泄瀉雖寒由於肝木之尅脾苟用一方以治木鬱又一方以培脾土土必大崩木必大雕矣不若一方而兩治之爲愈也方用

白芍

五錢

柴胡

一錢

茯苓

三錢

陳皮

五分

甘草

五分

神曲

五分

車前子

一錢

水煎服

此方妙在白芍以舒肝木之鬱木鬱一舒上不尅胃下不尅脾又有茯苓車前以分消水溼之氣則水盡從小便出而何有餘水吞酸刺汁以泄瀉哉

痢疾門

火邪內傷辨

火邪之血色必鮮紅脈必洪緩口必渴而飲冷水小便必澀而赤濁內傷之血色不鮮而紫暗或微紅淡白脈必細而遲或浮濇而空口不渴即渴而喜飲熱湯小便不赤不澀即赤而不熱不濁此訣也

痢疾

此症感濕熱而成紅白相見如濃如血至危至急者也苟用涼藥止血熱藥攻邪俱非善治之法方用

白芍 二兩

當歸 二兩

枳殼 二錢

檳榔 二錢

滑石 三錢

廣木香 一錢

萊菔子 一錢

水煎服



有餘不去尅脾土自然大腸有傳送之功加之枳壳  
檳榔俱逐穢去積之品尤能於補中用攻而滑石甘  
草木香調達於遲速之間不疾不徐使瘀滯盡下也  
其餘些小痢疾減半用之無不奏功此方不論紅白  
痢疾痛與不痛服之皆神效 方用

當歸一兩 黃芩七分酒洗 蒼朮一錢 厚朴一錢 大腹  
皮一錢 陳皮一錢 水二碗煎一碗頓服

### 血痢

凡血痢腹痛者火也方用

歸尾一兩 黃連三錢 枳壳二錢 白芍一兩 本香二錢  
萊菔子二錢 水煎服

### 寒痢

凡痢腹不痛者寒也方用

白芍 三錢

當歸 三錢

枳殼 一錢

檳榔 一錢

甘草 一錢

萊菔子 一錢

水煎服

前方治壯實之人火邪挾溼者此方治寒痢腹不痛者更有內傷勞倦與中氣虛寒之人脾不攝血而成血痢者當用理中湯加木香肉桂或用補中益氣湯加熟地炒乾姜治之而始愈也

大小便門

大便不通

此症人以爲大腸燥也誰知是肺氣燥乎蓋肺燥則清肅之氣不能下行於大腸而腎經之水僅足自顧又何能旁流以潤間哉方用



熟地 元參 升麻 牛乳 火麻仁

錢水二碗煎六分將牛乳同調服之

一二劑必大便矣此方不在潤大腸而在補腎大補肺夫大腸居於下流最難獨治必須從腎以潤之從肺以清之啓其上竅一竅自然流動通利矣此下病上治之法也

實症大便不通方用

大黃 五錢 歸尾 一兩 升麻 五分 蜜半杯水煎服

此方大黃泄利當歸以潤之仍以爲君雖泄而不至十分猛烈不致有亡陰之弊况有升麻以提之則泄中有留又何必過慮哉

虛症大便不通

男科下

四

人有病後大便秘者方用

熟地 一兩

元參 一兩

當歸 一兩

川芎

五錢

桃仁

十粒

火麻仁 一錢

紅花 三分

大黃 三分

蜜半杯水煎服

小便不通

膀胱之氣化不行即小便不通似宜治膀胱也然而治法全不在膀胱方用

人參 三錢

茯苓 三錢

蓮子 三錢

白果 二錢

甘草 一錢

肉桂 一錢

車前子 一錢

王不留行 一錢

水煎服

此方妙在用人參肉桂蓋膀胱必得氣化而化者何心包絡之氣也既用參桂而氣化行矣在白果人多不識此意白果通任督之脈走膀胱而引羣藥見車前子王不留行盡下洩之品服之而前陰



有不利者乎 又方

熟地 一兩 山藥 一錢 山萸 四錢 丹皮 一錢 澤瀉 一錢

肉桂 一錢 車前子 一錢 水煎服

此方不去通小便而專治腎水腎中有水而膀胱之氣自然行矣蓋膀胱之開合腎司其權也

大小便不通方用

頭髮燒灰研末用三指一捻入熱水半碗飲之立通

又方

蜜一茶杯皮硝一兩黃酒一茶杯大黃一錢煎一處溫服神效

厥症門

寒厥

此症手足必青紫飲水必吐腹必痛喜火熨之方用經  
人參三錢白朮一兩附子一錢肉桂一錢吳萸一錢

水煎服

熱厥

此症手足雖寒而不青紫飲水不吐火熨之腹必痛一  
時手足厥逆痛不可忍人以爲四肢之風症也誰知是  
心中熱蒸外不能洩故四肢手足則寒而胸腹皮熱如  
火方用

柴胡三錢當歸二錢荊芥一錢黃連二錢炒梔二錢

半夏一錢枳殼一錢水煎服二劑愈又方

白芍一兩黑梔三錢陳皮一錢柴胡一錢花粉二錢

水煎服以白芍爲君取入肝而平木也

此症一見時症不省人事乃氣虛而痰迷心也者氣化



尸厥

此症一時猝倒不省人事乃氣虛而痰迷心也者氣化痰而已方用

人參 三錢 白朮 五錢 半夏 三錢 南星 三錢 附子 五分

白芥子 一錢 水煎服 又方

蒼朮 三兩 水煎灌之必吐吐後即愈蓋蒼朮陽藥善能祛風故有奇效凡見鬼者用之更效

厥症

人有忽然發厥閉目撒手喉中有聲有一日死者有二三日死者此厥多犯神明然亦素有痰氣而發也治法宜攻痰而開心竅方用起迷丹

人參 五錢 半夏 五錢 菖蒲 二錢 兔絲子 一兩 茯苓 三

錢 皂莢 一錢 生姜 一錢 甘草 三分 水煎服

氣虛猝倒

人有猝然昏倒迷而不悟喉中有痰人以為風也誰知是氣虛乎若作風治無不死者此症蓋曰平日不愼女色精虧以致氣衰又加不愼起居而有似乎風者其實非風也方用

人參 一兩 黃耆 一兩 白朮 一兩 茯苓 五錢 菖蒲 一錢

附子 一錢 半夏 二錢 白芥子 三錢 水煎服

此方補氣而不治風消痰而不耗氣一劑神定二劑

症三劑全愈

陰虛猝倒

此症有腎中之水虛而不上交於心者又有肝氣燥不



能生心之火者此皆陰虛而能令人猝倒者也方用再  
甦丹

熟地 二兩 山萸 一兩 元參 一兩 麥冬 一兩 茯苓 五錢

五味子 一兩 柴胡 一錢 菖蒲 一錢 白芥子 三錢 水煎

服此方補腎水滋肺氣安心通竅瀉火消痰實有神

功十劑全愈

陽虛猝倒

人有心中火虛不能下交於腎而猝倒者陽虛也方用

人參 一兩 白朮 一兩 茯神 五錢 附子 一錢 甘草 一錢

生半夏 三錢 生棗仁 一兩 水煎服

藥下喉則痰靜而氣出矣連服數劑則安然如故

此症又有胃熱不能安心之火而猝倒者亦陽虛也方

用

人參 一兩

元參 一兩

石羔 五錢

麥冬 三錢

菖蒲 一錢

花粉 五錢

水煎服

一劑心定二劑火清三劑全愈

腎虛猝倒

人有口渴索飲眼紅氣喘心脈洪大舌不能言不可作  
氣虛治此乃腎虛之極不能上滋於心心火亢極自焚  
悶亂遂致身倒有如中風者法當補腎而佐以清火之  
藥方用水火兩治湯

熟地 一兩

當歸 一兩

元參 一兩

麥冬 五錢

生地 五錢

山萸 五錢

黃連 三錢

茯神 五錢

白芥子 三錢

五味子

三錢 水煎連服數劑而愈



人有大怒跳躍忽然臥地兩臂抽搦唇口歪邪左目緊閉此乃肝火血虛內熱生風之症當用八珍湯加升麻鉤藤山茱萸若小便白遺左關脈弦洪而數此肝火血燥當用六味湯加鉤藤五味子麥冬川芎當歸愈後以滋陰用補中益氣湯加山梔丹皮鉤藤多服如婦人得此症則逍遙散加鉤藤及六味湯便是治法

中風不語

人有跌倒昏迷或自臥而跌下床者此皆氣虛而痰邪犯之也方用三生引

人參

一兩

半夏

三分

南星

三錢

附子

一个

水煎灌之

此症又有因腎虛而得之者夫腎主藏精主下焦地道

之生身衝任二脈係焉二脈與腎之大絡同出於腎之下起於胞之中其衝脈因稱胞絡為經脈之海遂名海焉其衝脈之上行者滲諸陽灌諸精下行者滲諸陰灌諸絡而溫肌肉別絡結於跗因腎虛而腎絡與胞內絕不通於上則疝腎脈不上循喉嚨挾舌本則不能言二絡不通於下則癰厥矣方用地黃引子

熟地 一兩

巴戟 一兩

山萸 一兩

附子 五錢

石斛 六錢

茯苓 一兩

麥冬 一兩

菖蒲 五錢

肉蓯蓉 一兩

五味子

五錢

肉桂 三錢

薄荷姜棗水煎服

### 口眼歪邪

此症人多治木治金固是而不知胃土之為尤切當治胃土且有經脈之分經云足陽明之經急則口目為僻

皆當用黃耆當歸人參白芍甘草也一者治法



背急不能視此胃土之經爲歪邪也又云足陽明之脈  
挾口環脣口歪脣邪此胃土之脈爲歪邪也二者治法  
皆當用黃耆當歸人參白芍甘草桂枝升麻葛根秦艽  
白芷防風黃柏蘇木剉花水酒各半煎微熱服如初起  
有外感者加蔥白三莖同煎取微汗自愈

此症又有心中虛極不能運於口耳之間輕則歪邪重  
則不語方用

人參

三錢

白朮

五錢

茯苓

三錢

半夏

二錢

甘草

一錢

菖蒲

三錢

肉桂

二錢

當歸

一兩

白芍

三錢

水煎服二

劑愈

劑愈

又治法令一人抱住身子又一人抱住歪邪之耳輪  
再令一人手摩其歪邪之處至數百下使面上火熱

而後已少頃口眼如故矣最神效

半身不遂

此症宜於心胃而調理之蓋心爲天真神機開發之本胃是穀府充大真氣之標標本相得則心膈之膈中氣海所蓄宗氣盈溢分布五臟三焦上下中外無不周徧若標本相失不能致其氣於氣海而宗氣散矣故分布不周於經脈則偏枯不周於五臟則瘖卽此言之未有不因真氣不周而病者也法宜黃耆爲君參歸白芍爲臣防風桂枝鈎藤竹瀝姜韭葛梨乳汁爲佐治之而愈若雜投乎烏附羌活之類以涸榮而耗衛如此死者醫殺人也

半身不遂口眼歪邪方用

龍葛三錢 甘草一錢 紅花二錢 桂枝一錢 水二樽 姜



人參 五錢 黃耆 一兩 當歸 五錢 白朮 五錢 半夏 三錢

乾葛 三錢 甘草 一錢 紅花 二錢 桂枝 錢半 水二樽 姜

三片棗二枚煎服

此症人多用風藥治之殊不見功此藥調理氣血故無不效

### 癇症

此症忽然臥地作牛馬猪羊之聲吐痰如湧泉者痰迷心竅也蓋因寒而成感寒而發也方用

人參 三錢 白朮 一兩 茯神 五錢 山藥 三錢 薏仁 五錢

肉桂 一錢 附子 一錢 半夏 三錢 水煎服 又方

人參 一兩 白朮 五錢 茯神 一兩 半夏 一錢 南星 一錢

附子 一錢 柴胡 一錢 菖蒲 三分 水煎服此本治寒狂

之方治癲亦效

癲狂門

癲狂

此症多生於脾胃之虛寒飲食入胃不變精而變痰痰迷心竅遂成癲狂苟徒治火而不補氣未有不死者也  
方用

人參 五錢 白朮 一兩 半夏 一錢 陳皮 一錢 甘草 五分

乾姜 一錢 葛蒲 五分 白芥子 五錢 肉桂 一錢 水煎服

如女人得此症去肉桂加白芍柴胡黑梔治之亦最神效

發狂見鬼

此症氣虛而中痰也宜因其正氣而佐以化痰之品方

人參 一兩 白朮 一兩 半夏 一錢 陳皮 一錢 甘草 五分 乾姜 一錢 葛蒲 五分 白芥子 五錢 肉桂 一錢 水煎服



用

人參 一兩  
白朮 一兩  
半夏 三錢  
南星 三錢  
附子 一錢  
水煎服

發狂不見鬼

此是內熱之症方用

人參 三錢  
白芍 三錢  
半夏 三錢  
南星 二錢  
黃連 二錢  
陳皮 一錢  
甘草 一錢  
白芥子 一錢  
水煎服

狂症

此症有因寒得之者一時之狂也可用白虎湯以瀉火  
更有終年狂而不愈者或拿刀殺人或罵親戚不認兒  
女見水大喜見食大惡此乃心氣之虛而熱邪乘之痰  
氣侵之也方用化狂丹

人參 一兩

白朮 一兩

茯神 一兩

附子 一分

半夏 三錢

兔絲子 三錢

菖蒲 一錢

甘草 一錢

水煎服

一劑狂定此方妙在補心脾胃三經而化其痰不去  
瀉火蓋瀉火則心氣益傷而痰涎益盛狂何以止乎  
尤妙微用附子引補心消痰之品直入心中則氣易  
補而氣易消又何用瀉之多事哉

寒狂

凡發狂罵人未渴索飲與水不飲者寒症之狂也此必  
氣鬱不舒怒氣未洩其人必性情過於柔弱不能自振  
者耳宜補氣消痰方用

人參 一兩

白朮 五錢

茯神 一兩

半夏 一錢

南星 一錢

附子 一錢

菖蒲 三分

柴胡 一錢

水煎服藥下喉睡熟



醒來病如失也

怔忡驚悸門

怔忡不寐

此症心經血虛也方用

人參 三錢

當歸 三錢

茯神 三錢

丹皮 二錢

麥冬 三錢

甘草 一錢

生棗仁 五錢

熟棗仁 五錢

菖蒲 一錢

五味

子 一錢

水煎服

此方妙在用生熟棗仁生使其日間不臥熟使其夜間不醒又以補心之藥為佐而怔忡安矣

心驚不安夜臥不睡

此心病而實腎病也宜心腎兼治方用

人參 三兩

茯苓 三兩

茯神 三兩

遠志 二兩

熟地 三兩

男科上

十二

棗仁

生一兩

山萸

三兩

當歸

三兩

菖蒲

三錢

黃連

五錢

肉桂

五錢

白芥子

一兩

麥冬

三兩

砂仁

五錢

蜜丸

每

日下五錢湯酒俱可

此方治心驚不安與不寐耳用人參當歸茯神麥冬足矣卽爲起火不寐亦不過用黃連足矣何以反用熟地山萸補腎之藥又加肉桂以助火不知人之心驚乃腎氣不入於心也不寐乃心氣不歸於腎也今用熟地山萸補腎則腎氣可通於心肉桂以補命門之火則腎氣既溫相火有權君火相得自然上下同心君臣合德矣然補腎固是而亦有肝氣不上於心而成此症者如果有之宜再加白芍二兩兼補肝木斯心泰然矣



人夜臥交睫則夢爭鬪負敗恐怖之狀難以形容人以爲心病誰知是肝病乎蓋肝藏魂肝血虛則魂失養故交睫若魘此乃肝胆虛怯故負恐維多此非大補不克奏功而草木之品不堪任重當以酒化鹿角膠空腹服之可愈蓋鹿角膠大補精血血旺則神自安矣

神氣不甯

人有每臥則魂飛揚覺身在床而魂離體矣驚悸多魘通夕不寐人皆以爲心病也誰知是肝經受邪乎蓋肝氣一虛邪氣襲之肝藏魂肝中邪魂無依是以魂飛揚而若離體也法用珍珠母爲君龍齒佐之珍珠母入肝爲第一龍齒與肝同類龍齒虎睛今人例以爲鎮心之

藥詎知龍齒安魂虎睛定魄東方蒼龍木也屬肝而藏魂西方白虎金也屬肺而藏魄龍能變化故魂游而不定虎能專靜故魄止而有守是以治魄不甯宜虎睛治魂飛揚宜龍齒藥各有當也

腰腿肩臂手足疼痛門

滿身皆痛

手足心腹一身皆痛將治手乎治足乎治肝爲主蓋肝

氣一舒諸痛自愈不可頭痛救頭足痛救足也方用

柴胡 一錢

甘草 一錢

陳皮 一錢

梔子 一錢

白芍 五錢

薏仁 五錢

茯苓 五錢

當歸 二錢

蒼朮 二錢

水煎服

此逍遙散之變化也舒肝而又去濕去火治一經而諸經無不愈也



腰痛

痛而不能俯者濕氣也方用

柴胡一錢

澤瀉一錢

猪苓一錢

防己二錢

肉桂三分

白芥子一錢

白朮五錢

甘草五錢

山藥三錢

水煎服

此方妙在入腎去濕不是入腎而補水初痛者一二劑可以奏功日久必多服為妙

腰痛

痛而不能直者風寒也方用逍遙散加防己一錢一劑可愈若日久者當加杜仲一兩改白朮二錢酒煎服十劑而愈又方

杜仲一兩鹽炒

破故紙

五錢鹽炒

熟地三兩

核桃仁

二錢

白朮三兩

蜜丸每日空心白水送下五錢服完

男科下

可愈如未全愈再服一料必愈

腰痛

凡痛而不止者腎經之病乃脾濕之故方用

白朮 四兩

薏仁 三兩

芡實 二兩

水六碗煎一碗一氣

飲之此方治夢遺之病亦神效

腰腿筋骨痛方用養血湯

當歸 一錢

生地 一錢

肉桂 一錢

牛夕 一錢

杜仲 一錢

破故紙 一錢

茯苓 一錢

防風 一錢

川芎 五分

甘草 三

分山萸 二錢

核桃 二个

土茯苓 二錢

水酒煎服

腰痛足亦痛方用

黃耆 半斤

防風 五錢

薏仁 五兩

杜仲 一兩

茯苓 五錢

車前子 三錢

肉桂 一錢

水十碗煎二碗入酒以醉爲



主醒即愈

腰足痛明係是腎虛而氣衰更加之溼自必作楚妙  
在不補腎而單益氣蓋氣足則血生血生則邪退又  
助之薏仁茯苓車前之類去溼溼去而血活矣况又  
有杜仲之健腎肉桂之溫腎防風之蕩風乎

腿痛

身不離床褥偃僂之狀可掬乃寒溼之氣侵也方用

白米

五錢

芡實

二錢

茯苓

一兩

肉桂

一錢

華薺

一兩

杜仲

三錢

薏仁

二兩

水煎日日服之不必改方久之

自奏大功

兩臂肩膊痛

此手經之病肝氣之鬱也方用

男科下

當歸 三兩 白芍 三兩 柴胡 五錢 陳皮 五錢 羌活 三錢

白芥子 三錢 半夏 三錢 秦艽 三錢 附子 一錢 水六碗

煎三沸取汁一碗入黃酒服之一醉而愈

此方妙在用白芍為君以平肝木不來侮胃而羌活柴胡又去風直走手經之上秦艽亦是風藥而兼附子攻邪邪自退出半夏陳皮白芥子祛痰聖藥風邪去而痰不畱更得附子無經不達而其痛如失也

手足痛

手足肝之分野而人乃為脾經之熱不知散肝木之鬱結而手足之痛自去方用逍遙散加

梔子 三錢 半夏 二錢 白芥子 二錢 水煎服二劑其痛

如失

所以作定今平其肝氣則脾氣自舒矣



蓋肝木作祟脾不敢當其鋒氣散於四肢縮而不伸  
所以作楚今平其肝氣則脾氣自舒矣

胸背手足頸項腰膝痛

筋骨牽引坐臥不得時時走易不定此是痰涎伏在心  
膈上下或令人頭痛夜間喉中如鋸聲口流涎唾手足  
重腿冷治法用控涎丹不足十劑其病如失矣

背骨痛

此症乃腎水衰耗不能上潤於腦則河車之路乾澀而  
難行故作痛也方用

黃耆

一兩

熟地

一兩

山萸

四錢

白朮

五錢

防風

五錢

五味子

一錢

茯苓

三錢

附子

一分

麥冬

二錢

水煎服

此方補氣補水去濕去風潤筋滋骨何痛之不愈哉

上下相殊也如何治之乎治腰乎治頭乎誰知是腎氣腰痛兼頭痛

不通乎蓋腎氣上通於腦而腦氣下達於腎上下雖殊而氣實相通法當用溫補之藥以大益其腎中之陰則上下之氣通矣方用

熟地 一兩

杜仲

五錢

麥冬

五錢

五味子

二錢

水煎服

一劑即愈方內熟地杜仲腎中藥也腰痛是其專功今並頭而亦愈者何也蓋此頭痛是腎氣不上達之故用補腎之味則腎氣旺而上通於腦故腰不痛而頭亦不痛矣

心腹痛門

心痛辨



心痛之症有二一則寒氣侵心而痛一則火氣焚心而痛寒氣侵心者手足反溫火氣焚心者手足反冷以此辨之最得

寒痛方用

良姜 三錢 肉桂 一錢 白朮 三錢 甘草 一錢 草烏 三錢

貫仲 三錢 水煎服

熱痛方用

黑梔 三錢 甘草 一錢 白朮 五錢 半夏 一錢 柴胡 一錢

水煎服

心不可使痛或寒或火皆冲心包耳

久病心痛

心乃神明之君一毫邪氣不可干犯犯則立死經年累

另科下

月而痛者邪氣犯心包絡也但邪有寒熱之辨如惡寒見水如仇火熨之則快此寒邪也方用

蒼朮二錢 白朮五錢 當歸一兩 肉桂一錢 良姜一錢 水煎服

久病心痛

如見水喜悅手按之而轉痛者熱氣犯心包絡也方用

白芍一兩 黑梔三錢 甘草一錢 當歸三錢 生地三錢 陳皮八分 水煎服

寒熱二症皆責之於肝也肝屬木心屬火木衰不能生火則包絡寒補肝而邪自退若包絡之熱由於肝經之熱瀉肝而火自消也

腹痛

然大痛此火結在大小腸也若不急治一併氣絕方用



痛不可忍按之愈痛口渴飲以涼水則痛少止少頃依然大痛此火結在大小腸也若不急治一時氣絕方用定痛如神湯

黑梔 三錢 甘草 一錢 茯苓 一兩 白芍 五錢 蒼朮 三錢

厚朴 一錢 水煎服

此方舒肝經之氣利膀胱之大瀉水逐瘀再加大黃一錢水煎服勿遲

腹痛

腸中有痞塊一時發作而痛不可手按者方用

白朮 二兩 枳實 一兩 馬糞 五錢炒焦 好酒煎服

冷氣心腹痛方用火龍丹

硫黃 一兩醋製 胡椒 一錢 白礬 四錢 醋打蕎麥爲丸

如桐子大每服二十五丸米湯下

胃氣痛

人病不能飲食或食而不化作痛作滿或兼吐瀉此肝木尅脾土也方用

白芍 二錢 當歸 二錢 柴胡 二錢 茯苓 二錢 甘草 一錢

白芥子 一錢 白朮 三錢 水煎服

有火加梔子二錢無火加肉桂一錢有食加山楂三錢傷面食加枳壳一錢麥芽一錢有痰加半夏一錢有火龍散有寒能驅此右病而左治之也

麻木門

正木

此乃氣虛而寒濕中之如其不治三年後必中大風方用

水煎服



白木五錢黃耆五錢陳皮五分桂枝五分甘草一兩

水煎服

手麻

十指皆麻面目失色此亦氣虛也治當補中益氣湯加木香麥冬香附羌活烏藥防風三劑可愈

手足麻木

四物湯加人參白朮茯苓陳皮半夏桂枝柴胡羌活防風秦艽牛夕炙草姜棗引煎服四劑愈

木

凡木是濕痰死血也用四物湯加陳皮半夏茯苓桃仁紅花白芥子甘草竹瀝姜汁水煎服

腿麻木方用導氣散

黃耆 二錢 甘草 錢半 青皮 一錢 升麻 五分 柴胡 五分  
五味子 三十粒 歸尾 五分 澤瀉 五分 陳皮 八分 紅花  
少許水煎溫服甚效

兩手麻困倦嗜臥

此乃熱傷元氣也方用益氣湯

人參 一錢 黃耆 二錢 甘草 一錢 炙草 五分 柴胡 七分

五味子 三十粒 白芍 七分 姜三片 棗二枚 水煎熱此

渾身麻木

凡人身體麻木不仁兩目羞明怕日眼澀難開視物昏

花睛痛方用神效黃耆湯

黃耆 一錢 陳皮 五分 人參 八分 炙草 四分 白芍 一錢

蔓荊子 二分 如有熱加黃柏三分水煎服



麻木痛

風寒濕三氣合而成疾客於皮膚肌肉之間或痛或麻木方田

牛夕膠 二兩 南星 五錢 姜汁 半碗 共熬膏攤貼再以

熱鞋底熨之加羌活乳香沒藥更妙

足弱

此症不能步履人以爲腎水之虛誰知由於氣虛而不能運動乎方用補中益氣湯加

牛膝 三錢 金石斛 五錢 黃耆 一兩 人參 三錢 水煎服

筋結

凡人一身筋脈不可有病病則筋縮而身痛脈濇而體重矣然筋之舒在於血和而脈之平在於氣足故治筋

男科下

必先須治血而治脈必須補氣人若筋急拳縮偃僂而不能直立者皆筋病也方用

當歸一兩

白芍五錢

薏仁五錢

生地五錢

元參五錢

柴胡一錢

水煎服

北方妙在用柴胡一味入於補藥中蓋血虧則筋病用補也以治筋宜矣何又用柴門夫肝爲筋之主筋乃肝之餘氣不順筋自縮急今用柴胡以舒散之者氣旣行而又濟之以大劑補血則筋得其養矣

脇痛門

兩脇有塊

左脇有塊作痛是死血也右脇有塊作痛是食積也遍身作痛筋骨尤甚不能伸屈口渴目赤頭眩痰壅胸不



利小便便短赤夜間殊甚又遍身作痒如蟲行人以為風也誰知是腎氣虛而熱也法用六味地黃湯加梔子柴胡是乃正治也三劑見效

左脇痛

左脇痛肝經受邪也方用

黃連 二錢 吳黃炒 柴胡 一錢 當歸 一錢 青皮 一錢 桃

仁 一錢 研 川芎 八分 紅花 五分 水煎食煎服

有痰加陳皮半夏

右脇痛

此是邪入肺經也方用

片姜黃 二錢 枳殼 二錢 桂心 一分 炙草 五分 陳皮 五

分 半夏 五分 水煎服

男科下

左右脇俱痛方用

柴胡

川芎

青皮

枳殼

香附

龍胆草

當歸

砂仁

甘草

木香

姜水煎服

兩脇走注

兩脇走注痛而有聲者痰也方用二陳湯去甘草加枳  
殼砂仁廣木香川芎青皮蒼朮香附茴香水煎服

脇痛身熱

此勞也用補中益氣湯加川芎白芍青皮砂仁枳殼茴  
香去黃耆水煎服

脇痛

此乃肝病也故治脇痛必須平肝平肝必須補腎腎水



足而後肝氣有養不治脇痛而脇痛自平也方用肝腎兼資湯

熟地 一兩 白芍 二兩 當歸 一兩 黑梔 一錢 山萸 五錢

白芥子 三錢 甘草 三錢 水煎服

脇痛咳嗽

咳嗽氣急脈滑數者痰結痛也

瓜簍仁

枳壳

青皮

茴香

白芥子

水煎服

濁淋門

附腎病

二濁五淋辨

濁淋二症俱小便赤也濁多虛淋多實淋痛濁不痛爲異耳濁淋俱屬熱症惟其不痛大約屬濕痰下陷及脫

濁淋下

二十一

精所致惟其有痛大約縱淫欲火動強畱敗精而然不可混治

淋症方用五淋散

淡竹葉 一錢 赤茯苓 一錢 芥穗 一錢 車前子 五錢 燈

心 一錢 水煎服

濁症方用清心蓮子飲

石蓮子 二錢半 人參 二錢半 炙草 二錢 麥冬 錢五分

黃耆 一錢半 赤茯苓 二錢 地骨皮 一錢半 車前子 一

錢半 甘草 五分 水煎服

陽強不倒

此虛火炎上而肺氣不能下行故耳若用黃柏知母煎湯飲之立時消散然白濁之後終年不能振起亦非善



治之法也方用

元參 三兩 麥冬 三兩 肉桂 三分

此方妙在用元參以瀉腎中之火肉桂入其宅麥冬助肺金之氣清肅下行以生腎水水足則火自息矣不求倒而自倒矣

陽痿不舉

此症乃平日過於琢削日泄其腎中之水而腎中之火亦因之而消亡蓋水去而火亦去必然之理有如一家人口廚下無水何以爲炊必有水而後取柴炭以煮飯不則空鑪也方用

熟地 一兩 山萸 四錢 遠志 一錢 巴戟 一錢 肉桂 二錢

肉蓯蓉 一錢 人參 三錢 茯神 二錢 杜仲 一錢 白朮 五

錢水煎服

尿血又便血

便血出於後陰尿血出於前陰最難調治然總之出血於下也方用

生地

一兩

地榆

三錢

水煎服二症俱愈

蓋大小便有經絡而其症皆因膀胱之熱也生地地榆俱能清膀胱之熱一方而兩用之也蓋分之中有合

疝氣方用去鈴丸

大茴香

一斤

姜汁

一斤

將姜汁入茴香內浸一宿入

青鹽二兩同炒紅爲末酒丸桐子大每服三十丸溫酒或米湯送下



腎子痛方

澤瀉一錢 陳皮一錢 丹皮三分 吳萸五分 赤苓一錢

小茴香三分 蒼朮五分 枳實三分 山查四分 蘇梗四分

分姜水煎服 又方

酒炒大茴香酒炒小茴香赤石脂煨 廣木香各等分

烏梅肉搗爛爲丸如桐子大空心每服十五粒葱酒

送下立效

偏墜方用

小茴香猪苓等分微炒爲末空心鹽水冲服熱鹽漿

亦甚效

雞方

病在上而求諸下

易科

二

頭痛目痛耳紅腮腫一切上焦等症除清涼發散正治  
外人卽束手無策而不知更有三法如大便結脈沈實  
者用酒蒸大黃三錢微下之名釜底抽薪之法如大便  
瀉脈沈足冷者宜六味地黃湯加牛夕車前肉桂足冷  
甚者加熟附子是冷極於下而迫其火之上升也此名  
導龍入海之法大便如常脈無力者用牛夕車前引下  
之此名引火歸源之法也

病在下而求諸上

凡治下焦病用本藥不愈者須從上治之如足痛足腫  
無力虛軟膝瘡紅腫用木瓜薏仁牛夕防己黃柏蒼朮  
之品不效者定是中氣下陷濕熱下流用補中益氣升  
提之如足軟不能行而能食名曰痿症宜清肺熱如治



泄瀉用實脾利水之劑不效者亦用補中益氣去當歸  
加炮姜蒼朮脈遲加肉蔻故紙如尿血用涼血利水藥  
不效宜清心蓮子飲若清心不止更加升柴如治便血  
用止澀之藥不效或兼泄瀉須察其脈如右關微或數  
大無力是脾虛不攝血宜六君子加炮姜若右關沈緊  
是飲食傷脾不能攝血加沈香二分右寸洪數是實熱  
在肺宜清肺麥冬花粉元參枯芩桔梗五味子枳殼等  
味

瘡毒方用加神湯

銀花 一兩 當歸 一兩 蒲公英 一兩 荊芥 一錢 連翹 二

錢 甘草 三錢 水煎服

頭面上瘡方用

銀花 二兩 當歸 一兩 川芎 五錢 桔梗 三錢 黃芩 一錢

蒲公英 三錢 甘草 五錢 水煎服 二劑全消

頭瘡不可用升提之藥最宜用降火之品切記之

身上手足之瘡疽方用

銀花 三錢 當歸 一兩 甘草 三錢 牛子 二錢 花粉 五錢

蒲公英 三錢 芙蓉葉 七片 無葉用根 水煎服

統治諸瘡方用

花粉 甘草 銀花 蒲公英 水煎服

二劑全愈此方消毒大有奇功諸癰諸疽不論部位

皆治之

黃水瘡方用

雄黃防風煎湯洗之即愈



手汗方用

黃耆一兩 干葛一兩 荊芥三錢 防風三錢 水煎一盃

熱薰溫洗三次愈

飲砒毒

用生草三兩加羊血半碗和勻飲之立吐而愈若不吐速用大黃二兩甘草五錢白礬一兩當歸三兩水煎數碗飲之立時大瀉卽生

補腎方用

大鹽青菽葦七寸煮核桃

嚏噴法用

生半夏爲末水丸綠豆大入鼻孔必嚏噴不已用水飲之立止通治中風不語及中惡中鬼俱妙

破傷方用

蟬退去淨頭足爲末五錢用好酒一碗煎滾入末調勻服之立生 又方

升麻油頭髮馬尾羅底羊糞旦各等分共爲末黃酒冲服

瘋狗咬傷用

手指甲焙黃爲末滾黃酒冲服發汗卽愈忌床事百日

小兒科

色

小兒鼻之上眼之中色紅者心熱也紅筋橫直現於山根皆心熱也色紫者心熱之甚而肺亦熱也色青者肝



有風也青筋橫直現者肝熱也直者風上行橫者風下行也色黑者風甚而腎中有寒也色白者肺中有痰黃者脾胃虛而作瀉一觀其色而疾可知矣

### 脈

大人看脈於寸關尺小兒不然但看其數不數而已數甚則熱不數則寒也數之中浮者風也沉者寒也緩者濕也濇者邪也滑者痰也有止歇者痛也如此而已餘不必過談也

### 三關

小兒虎口風氣命三關紫屬熱紅屬寒青屬驚風白屬疳風閑輕氣爲重若至命閑則難治矣

### 不食乳

小兒不食乳心熱也葱煎乳汁令小兒服之亦妙不若用黃連三分煎湯一分灌數次即食矣神效

臍不乾

用車前子炒焦爲細末敷之即乾

山根

山根之上有青筋直現者乃肝熱也方用

柴胡 三分

白芍 一錢

當歸 五分

半夏 三分

白朮 五分

茯苓 一錢

山查 三个

甘草 一分

水煎服

有青筋橫現者亦肝熱也直者風上行橫者風下行

用前方加柴胡

五分

麥芽 一錢

干姜 一分

水煎服

有紅筋直現者心熱也亦用前方加黃連

一分

去半夏加桑白皮天花粉各二分水煎服



有紅筋斜現者亦心熱也亦用前方加黃連二分熱  
積於胸中不可用半夏用桑白皮花粉可也  
有黃筋現於山根者不論橫直總是脾胃之症或吐  
或瀉腹痛或不想食方用

白朮

五分

茯苓

五分

陳皮

二分

人參

二分

神曲

一分

淡竹葉

七分

麥芽

二分

甘草

一分

水煎服

有痰加半夏一分白芥子二分如口渴有熱者加麥  
冬二分黃芩一分有寒加干姜一分吐加白蔻一粒  
瀉加猪苓五分腹痛按之大叫者食也加大黃三分  
枳實一分按之不呼號者寒也加干姜三分如身發  
熱者不可用此方

發熱

不拘早晚發熱俱用萬全湯神效

柴胡 三分 白芍 一錢 當歸 五分 白朮 三分 茯苓 二分

甘草 一分 山查 三个 黃芩 三分 蘇葉 一分 麥冬 一錢

神曲 三分 水煎服

冬加麻黃一分夏加石膏三分春加青蒿三分秋如  
桔梗三分有食加枳殼三分有痰加白芥子三分吐  
加白朮一粒瀉加猪苓一錢小兒諸症不過如此不  
可作驚風治之如果有驚風加人參五分其效如神  
凡潮熱積熱瘧熱乃脾積寒熱俱用姜棗引

柴胡人參黃芩前胡秦艽甘草青蒿各一分童便浸  
不乾生地一寸薄荷二葉或生棗生藕一片水煎服  
甚效



感冒風寒方用

柴胡 五分 白木 一錢 茯苓 三分 陳皮 二分 當歸 八分

白芍 一錢 炙草 三分 半夏 三分 水煎熱服

驚風

世人勦曰驚風誰知小兒驚則有之而風則無小兒純陽之體不當有風而狀有風者蓋小兒陽旺內熱內熱則生風是非外來之風乃內出之風也內風作外風治是速之死也方用清火散風湯

白木 三分 茯苓 二錢 陳皮 一分 梔子 三分 甘草 一分

白芍 一錢 半夏 一分 柴胡 五分 水煎服

此方健脾平肝之聖藥肝平則火散脾健則風止斷不可以風藥表散之也

驚風

凡驚風皆由於氣虛方用壓風湯

人參

五分

白朮

五分

甘草

三分

茯神

一錢

半夏

三分

神曲

五分

砂仁

一粒

陳皮

一分

丹砂

三分

水煎服治

漫驚風加黃蓍

痢疾方用

當歸

一錢

黃連

二分

白芍

一錢

枳殼

五分

檳榔

五分

甘草

三分

水煎溫服

紅痢倍黃連白痢加澤瀉三分腹痛倍甘草加白芍  
小便赤加木通三分下如豆汁加白朮一錢傷食加  
山查麥芽各三分氣虛加人參三分

泄瀉



身熱如火口渴舌燥喜冷飲而不喜熱湯方用瀉火止瀉湯

車前子 二錢 茯苓 一錢 白芍 一錢 黃連 三分 澤瀉 五分  
猪苓 三分 麥芽 一錢 枳壳 二分 水煎服

寒瀉

此症必腹痛而喜手按摩口不渴而舌滑喜熱飲而不喜冷水也方用散寒止瀉湯

人參 一錢 白朮 一錢 茯苓 二錢 肉桂 二分 甘草 一分  
砂仁 一粒 神曲 五分 乾姜 二分 水煎服

吐

此症雖胃氣之弱亦脾氣之虛小兒恣意飽食不能消化久之上冲於胃口而吐也方用止吐速效湯

男婦下

人參 一錢

白朮 一錢

砂仁 一粒

茯苓 二錢

陳皮 二分

半夏 一分

乾姜 一分

麥芽 五分

山楂 三分

水煎服

咳嗽方用

蘇葉 五分

桔梗 一錢

甘草 一錢

水煎熱服有痰加白

芥子 五分

便是

疳症

此脾熱而因乎心熱也遂至口中流涎若不平其心火則脾火更旺濕熱上蒸而口涎不能止方用

蘆薈 一錢

黃連 三分

薄荷 三分

茯苓 二錢

甘草 一分

桑白皮 一錢

半夏 三分

水煎服

此心脾兩清之聖藥也引火下行而疳自去矣

口疳流水口爛神方



黃柏二錢

人參一錢

共爲細末數口內一日三次卽

愈此方用黃柏去火人參健脾大人用之亦效

疳症瀉痢眼障神效方

石決明

一兩醋煨

蘆薈五錢

甘草三錢

川芎五錢

菊

花四錢

白蒺藜

五錢

胡黃連

五錢

五靈脂

五錢

細辛

五錢

谷精草

五錢

猪苓去筋

搗爛爲丸如米大每服

二十五丸不拘時米湯下

瘡疾方用

柴胡

六分

白朮

一錢

茯苓

一錢

歸身

一錢

白芍

錢半

半夏

五分

青皮

五分

厚朴

五分

水煎成露一宿再溫

與服

熱多者加人參黃耆各五分寒多者加乾姜三分痰

多者加白芥子一錢夜熱加何首烏熟地各二錢日  
發者不用加腹痛加檳榔三分

便蟲方用

榧子五个去壳甘草三分米飯爲丸服二次則蟲化  
爲水矣

積蟲方用

史君子十个去壳炒檳榔一錢榧子十个去壳甘草  
一錢米飯爲丸如桐子大每服十丸二日蟲出五日  
全愈

痘症回毒或疔腫方

銀花五錢甘草一錢人參二錢元參一錢水煎服  
痘瘡壞症已黑者



人將棄之藥下喉卽活

人參 三錢 陳皮 一錢 蟬退 五分 元參 二錢 當歸 二錢

荆芥 一錢 水煎服

此乃元氣虛而火不能發也故用人參以補元氣元參去浮游之火陳皮去痰開胃則參無礙而相得益彰荆芥以發之又能引火歸經當歸生新去舊消瘀血蟬退解毒除風世人何知此妙法初起時不可服必壞症乃可服

急慢風三六九日一切風俱治

陳胆星 雄黃 硃砂 人參 茯苓

天竺黃 鉤藤 牛黃 射香 川鬱

金 柴胡 青皮 甘草 爲細末煎膏

爲丸如芫豆大真金一張爲衣陰乾勿洩氣薄荷湯磨服

治火丹神方

絲瓜子一兩 柴胡一錢 元參一兩 升麻一錢 當歸五錢 水煎服

又方

升麻三錢 元參一兩 乾葛三兩 青蒿三錢 黃耆三錢

水煎服 此二方詳火症門小兒用之亦效故又出之

此方妙在用青蒿肝胃之火俱平又佐以羣藥重劑而火安有不滅者乎

傅青主先生手著

女科先生本有女科傳於世此數條女科未載故存之



產後以補氣血為主方用

人參 三錢 當歸 一兩 川芎 五錢 荆芥 一錢 炒黑 益母

草 一錢 水煎服

有風加柴胡五分有寒加肉桂五分血不淨加炒山  
查十个血暈加炮姜五分崩血加麥冬二錢夜熱加  
地骨皮五分有食加谷芽山查有痰加白芥子少許  
餘不必胡加

胎漏胎動

此症氣血兩不足之故方用

人參 二錢 白朮 五錢 杜仲 一錢 枸杞 一錢 山藥 二錢  
歸身 三錢 茯苓 二錢 熟地 五錢 麥冬 二錢 山萸 二錢  
五味子 五分 甘草 一錢 水煎服

此方不寒不熱安胎之聖藥也胎動爲熱不動爲寒  
子縣

此乃胎熱子不安身欲立起於胞中若懸起之象倘以  
氣盛治之立死矣方用

人參二錢 白朮五錢 茯苓二錢 白芍五錢 黃芩一錢

歸身二錢 杜仲一錢 熟地一兩 生地二錢 水煎服

此皆利腰臍之藥少加黃芩胎得寒而自定

白帶

產前無帶也有則難產之兆卽幸而順生產後必有血  
暈之事方用黑豆三合水三碗煎湯二碗入白果十个

紅棗十个再煎一碗入

熟地一兩 山萸二錢 茯苓三錢 澤瀉二錢 丹皮二錢



薏仁 四錢 山藥 四錢 加水二碗煎服

一劑止二劑水不白矣亦通治婦人白帶無不神效

產婦氣喘腹痛

此症少陰受其氣邪而在內之真陽必逼越於上焦上  
假熱而下真寒也方用平喘祛寒湯

人參 三錢 麥冬 三錢 白朮 五錢 肉桂 二錢 吳萸 一錢  
一劑喘定二劑痛止必微涼頓服

產婦嘔吐下痢

此腎水泛溢因腎火之衰也急用補陽之藥入於補陰  
之中引火歸源水自下行矣方用

熟地 一兩 山萸 五錢 人參 五錢 白朮 一兩 茯苓 一兩

附子 一錢 肉桂 三分 車前子 一錢 水煎服

血崩方用

歸身一錢酒炒

生地錢二分

蒲黃

三分酒炒

木通五

分地榆三分酒洗

丹皮五分酒炒

白朮三錢橘紅七

分三七根五分

香附五分童便浸

姜三片酒一盃水

一盃煎九分空心服

產後大喘大汗

此乃邪入於陽明寒變為熱故大喘大汗平人得此病

常用白虎湯而產婦氣血大虛何可乎方用補虛降火

湯

麥冬一兩

人參五錢

元參五錢

桑葉十四片

蘇子五

分水煎服

此方以麥冬人參補氣元參降火桑葉止汗蘇子定



陽助正而不攻邪邪退而不損正實有奇功

症後亡陽發狂

大抵亡陽之症用藥汗止便有生機宜先止汗而後定

狂則用收汗湯

人參 三兩 桑葉 三十片 麥冬 二兩 元參 一兩 青蒿 五

錢 水煎服

一劑汗止二劑狂定後改人參麥冬五味子當歸川

芎調理此方祇可救亡陽之急症一時權宜之計二

劑後必須改方 產門瘡方用 黃柏 二錢炒 輕粉 五分 兒茶 二錢 冰片 五分 射香 三

分 蜈蚣 三錢 白微 三錢 乳香 三錢炒去油 鉛粉 三

錢 糊腦 二錢 爲細末調勻擦瘡

此方治西門瘡最效亦通治諸瘡

打死胎

用細碗片爲細末或黃酒或溫水調下三錢卽出  
林文忠八戒鴉片煙神效方

明黨參

玉琴

炙普

潞參

炙玉竹

姜炭

罌粟花

炒杜仲

橘紅

枸杞

以上各四錢

旋覆

花

炙草

半夏

益智仁

以上各二錢四分

棗仁

二錢

如肚腹下墜加沉香二錢無者不必加

引用紅棗四錢去核同藥煎三次三次煎一飯碗許

再將鴉煙灰如熬煙法過籠與藥同熬至一茶碗許

大紅糖半觔收膏用磁瓶盛好每早開水冲服五錢

見後不禁吃煙日久自然不想吃煙矣至灰之多少



之大小至大之引每劑藥四錢煙灰足矣如第  
一次用煙灰四錢第二次祇用三錢五分第三次祇  
用三錢次第減至五分多服幾劑後不用入灰服三  
兩劑卽煙引斷絕無論老少年深日久之大引亦能  
斷絕世人切勿輕視此方此屢試屢效並不另生他  
病誠戒煙之第一良方也

大凡人之不肯戒煙者以世所傳戒煙之方肯禁吃  
煙恐引來支持不住並有種種病症故不肯戒也此  
方不禁吃煙服藥之後吃煙亦吃不多不吃亦不發  
引毫無疾苦氣壯者易戒氣虛者必須多服若得此  
方而猶以此方不克戒煙者是不肯戒也非不能戒  
也人果誠心戒煙此方神效無比蓋人戒煙必須力

能戒煙力能吃煙之日戒之倘至無錢吃煙之時必  
無錢買藥再思戒煙勢不能也望世之吃煙者早爲  
之圖也余亦吃煙之流在蘇聽鼓之時每日須大土  
煙五錢於咸豐九年回家日吃西土毫覺無味十年  
夏起戒煙之見卽將出蘇帶回所刻印林文忠公戒  
煙之方熬膏服之半年之久煙引斷絕並無他病諺  
曰要知山中路須問過來人余過來人也願  
仁人君子幸勿以爲不經之臆說

同治二年十三月

介休王廉泉重刊

產門瘡方用



RBD Main  
16537.5







\* RC48.5

F87

1887

1653715

#428016035



